

重修兩淮鹽法志

兩淮鹽法志卷三十

場竈門

亭池

竈房附

竈置亭場所曬灰也大者百餘石小者七八十石亭側鑿阮以積灰而汲潮水灌其上稍下又爲小阮以通大阮之暗竇每灌注周時灰水融溢涵方溜入小阮滿則移蓄於房池以候煎謂之涵池跨涵池而屋之以避風雨謂之竈房爲竈丁煎煮之所舊志載亭池竈房歷時既久移徙興廢已非故地自范隄外漲亭池築築時時變更茲姑錄原額及近年亭場實存之數以待後此

者相繼興復焉志亭池

通屬各場亭池額數

豐利場

舊額灰亭三百七面後存二百五十六面

舊額涵池三百七口後存二百五十六口

舊設竈房三百七十所後存一百九十六所

掘港場

舊額灰亭三百九十七面後增至一千四百十六面

舊額涵池三百九十七口後增至二千二百八十四口

舊設竈房三百九十七所續增至四千六百八十四所

石港場

馬塘場併入

舊額灰亭六十四面

舊額涵池六十四口

舊額竈房無存後置六十四所

又馬塘場舊額灰亭見在納課

舊額涵池日久廢壞

竈房無存

金沙場

西亭場併入

舊額灰亭六百九十二面

舊額涵池三百十一口

舊設竈房三百六十五所後存二百三十七所

又西亭場舊額灰亭二十面續增至一百二十五面
舊額滷池二十口續增至四十五口

舊設竈房三十七所續增至一百十八所

〔呂四場〕

舊額灰亭七百九十二面

舊額滷池七百九十二口

舊設竈房七百九十二所

餘西場

餘中場併入

舊額灰亭六十八面

舊額涵池無

舊設窰房四十三所續增至四十八所

又餘中場舊額灰亭四十八面

舊額涵池無

餘中場舊設窰房三十五所

餘東場

舊額灰亭四百七十四面

舊額涵池四百七十四口

舊設窰房四百七十四所

角斜場

下河區志卷三十一
舊額灰亭一百五面續增至五百七十六面

舊額涵池一百六十口續增至五百七十六口

舊設窳房一百二十所後增至一千一百五十二所

耕茶場

舊額灰亭五百八十五面續增至九百二十一面

舊額涵池五百八十五口續增至九百二十一口

舊設窳房二百四十所續增至九百二十一所

奉屬各場亭池額數

富安場

舊額灰亭二千一百五十面後存一千二百九面

舊額涵池二千一百五十口後存一千二百九口
舊設窳房一百二十七所續增至一千二百九所

安豐場

舊額灰亭三百三十面續增至二千七百二面
舊額涵池三百二十四口續增至二千七百二口
舊設窳房三百三十所續增至二千七百二所

梁塚場

舊額灰亭九百八十七面續增至一千四百七十七面
舊額涵池六百六十口續增至九百口

舊設窳房三百五十所續增至五百十一所

東臺場

舊額灰亭一千三百六十八面

舊額涵池一千三百六十八口

舊設竈房一百三十所續增至一千三百六十八所

何塚場

舊額灰亭三百十三面續增至一千六百九十九面

舊額涵池三百六口續增至一千六百九十九口

舊設竈房七十四所續增至一千六百九十九所

丁谿場

小海場併入

舊額灰亭二百五十面續增至四百四十九面

舊額涵池四百四十九口

舊設竈房二百四所續增至九百二十所

又小海場舊額灰亭八十五面續增至八百六十一面
舊額涵池八十五口續增至八百六十一口

舊設竈房八百六十一所

草堰場

白駒場併入

舊額灰亭一百二十六面續增至一千九十一面
舊額涵池一百二十六口續增至一千九十一口
舊設竈房一千九十一所

又白駒場舊額灰亭八百八面於順治十六年改作沙

蕩陞科

舊額灰阮滷池無存

白駒場地不產鹽竈房無

劉莊場

舊額灰亭三百七十二面續增至五百七十七面後存

四百七十九面

舊額灰阮二百七十二阮續增至五百七十七阮後存

四百七十九阮

舊額滷池二百七十二口續增至五百七十七口後存

四百七十九口

舊設竈房一千七百六十二所

伍佑場

舊額灰亭七百九十九面續增至三千五百十三面
舊額灰院七百九十九院續增至三千五百十三院
舊額涵池七百九十九口續增至三千五百十三口
舊設竈房七百九十九所續增至三千五百十三所

新興場

舊額灰亭四百九面續增至一千八百八十四面
舊額灰院四百九院續增至一千八百八十四院
舊額涵池四百九口續增至一千八百八十四口

廟灣場

天賜場併入

舊額灰亭二百九十一面後存八十二面

舊額灰院二百九十一院後存八十二院

舊額涵池二百九十一口後存八十二口

舊設窰房一千五十六所後存八十二所

海屬各場甄池額數

板浦場

徐瀆場併入

舊額曬鹽甄池五千七百七十五面後存二千九百五

十七面

國清寺曬鹽甄池一十六面

續丈鹽池五百三十二面

續陞鹽池五面

此係從前抵辦水鄉

舊設竈房三千二百二十五所無存

又徐濱場舊額曬鹽甄池除遷徙棄置外實在修補三百四十七面

續修鋪曬鹽甄池四十面

北獻曬甄池二十三面

續丈鹽池六百十七面

各商鋪成甄池四百二十八面

徐濱場竈房無

中正場

莞瀆場併入

額設曬鹽甄池二千五百八十八面內於乾隆二十三

年豁除一百面改歸板浦實存二千四百八十八面

續陞曬鹽甄池一面此係前抵辦水鄉

竈房未設

又莞瀆場曬鹽甄池無

莞瀆場地不產鹽竈房無

臨興場

臨洪興莊二場合而爲一

臨洪舊額曬鹽甄池除遷徙新舊開復外實存八百十

九面

續丈鹽池二百二十六面半

各商鋪成甄池一百十面

原設竈房七百五十五所久無存

又興莊舊額曬鹽甄池除遷徙棄置外實存八百十四面

各商鋪成甄池三十面

興莊場舊設竈房一千五百所久無存

謹按以上淮南北原額亭池竈房數目

同治四年七月署鹽政李鴻章札淮南舊有亭鉞照火伏稽查本多溢額嗣因海勢東趨涵氣日薄曾於咸豐元

年飭令覓地移築亭場名爲新亭各場均遵辦有案乃
停網之後任其荒廢至咸豐七年聯前司督查亭繳僅
存十分之六七如果分司場官認真督辦有產有收數
年以來固應有增無減乃因廢垣太眾本商無力開收
他人租設公垣動輒結訟纏擾商民將本求利何肯自
取訟仇遂致無人過問各場所設公垣雖與收數有益
然有本垣力能自辦被公垣把持者亦有本垣實已消
乏無資藉稱地戶租商肆行訛詐者弊端百出許控不
休非大爲清釐妥定章程不能除錮疾而收鹽產該司
卽飛行各場將該場額設場垣幾處亭繳若干聲明是

商是竈見存亭繳若干開收者幾垣或公收或自收或租收按照火伏每月收鹽若干據實分晰開載不准絲毫含糊限十五日內由司彙造總冊馳送本署部堂以便確定收鹽章程又札場用鹽繳向有繳商領照鼓鑄見僅一商承辦索價居奇聞每繳一口需錢二十四千之多照從前官價五兩八錢幾加數倍致垣商無力添置今當整飭場務修整廢亭需繳甚多仰卽出示廣招繳商多爲添鑄不必拘定原例三家並傳諭見充之繳商酌照舊章確定發價稟司轉報查考毋任壟斷

同治五年十一月署運司程桓生詳兩淮鹽務首重緝私

而緝私莫先場竈上年十一月內經丁前司派委通泰分司逐一清查認真整頓亭場荒廢者令其修復盤鏹短少者令其買補先後計可增額九十餘萬桶業將辦理情形稟報在案惟各場亭竈散處海濱額產旣已增添稽煎緝私斷難偏廢卽經札飭通泰分司查明各場竈頭竈長火伏巡役名數妥議考核章程以憑循照舊章核給工食收認真稽煎之效嗣據查明通屬見存頭長巡役二百二十七名泰屬見存頭長巡役六百三十五名核定每名每日給銀五分按季查照舊章考核產鹽缺溢如缺額不及一分者全支工食二分以上者扣

罰二成三分以上者扣罰三成缺至四五分者全行扣
罰仍加責比缺至七八分者卽行革換每季如能溢額
二分以上除全支工食外每名賞銀一錢四分以上者
賞銀二錢六分以上者賞銀三錢溢額八分以上者加
倍給賞遇閏照加小建核扣等情詳復到司當查泰屬
開報頭長六百三十五名較之通屬幾加兩倍顯有空
挂差名當此經費支絀不得力求搏節卽飭泰分司
確查如實在勤慎辦公者准其酌留其空有差名並不
在場或在場並不認真辦公之人概予裁革並行通分
司查明能否酌減一併稟復去後茲據泰分司稟稱卑

屬十一場額設巡役頭長八百九十一名前經卑職周
歷查勘實存見煎亭竈一萬四十一副竈地遼闊有數
竈毘連者有一竈孤懸者各該頭長承管地段遠近不
齊亭竈多寡不一推原其故蓋因移亭就瀆遷徙靡常
所致卽經面諭場官務須畫分地段從新勻派以均勞
逸如有應裁應補之缺隨時查辦毋任空挂差名旋據
各該大使查明見存實在辦公巡役頭長六百三十五
名造冊呈送核與原額已減二百五十六名若再酌議
裁減深恐辦公不敷難期得力惟工食銀數似可再從
樽節擬請每名每日給銀三分以時價計之易米升餘

儘堪飽腹又據通分司詳稱遵查卑屬近年收數短絀固由各竈透私實係稽煎不力見在整頓場竈必須多設頭長等分撥各竈認真稽查以杜透漏前請設立竈頭長等二百二十七名本因經費不充名數較前裁減彙齊綜計似覺稍多而散處各竈仍覺不敷稽查尙難周密况各該大使會同稽滷委員時時親赴各竈嚴督該竈頭長等實力巡查稽煎鹽滷似不致有空挂差名之弊人數難以酌減惟見在庫款支絀自應力求撙節議將所給工食銀數量予酌減各等情署司伏查通泰各場頭長巡役責令駐竈稽煎自應給予工食以期奮

勉如額產虧缺嚴加責比各役等自無所藉口前因名數浮多誠恐有空挂差名之弊飭據查明均係按窳科派無從裁減請將工食再從撙節約減六折支發每名每日給銀三分尙屬核實惟本年已交冬令產鹽無多統自來年正月起按季考核產鹽缺溢分別給發以昭激勸而免透漏再此項工食飭據總局議覆在於減釐加課二錢經費項下動支經署鹽政李鴻章批准

同治八年十一月運司方濬頤詳奉憲札以鄂岸專銷眞梁該岸需鹽甚多飭令轉行出產眞梁場分添鑛廣產以濟運銷等因奉經札委候補大使用周楨前往查勘地

勢何處涵氣充足堪以添建亭場詳細稟覆嗣據查明
餘東場各垣舊亭堪以修復一百十二副業經具文詳
報興工在案茲據通分司陳照詳據呂四場大使陶紹
熙詳稱遵查卑場地處極東較之他處高下懸殊下沙
久經坍塌入海見煎各亭皆在上中兩沙地勢較高涵
氣歉升或因灰場窄狹攤曬難周或因池塘易乾淋漓
乏策前奉札委候補周大使來場查辦經卑職會同親
歷各竈查勘既無荒亭可以修復又無涵氣濃厚之區
可以移筭惟查范隄以東有丁蕩一區涵氣充足相度
地勢堪以建亭核計約得百餘副之基擬於該蕩內筭

置亭場據垣商王復興朱芝茂情願先置一百副試辦
察看商力尙屬有餘毋須另請招商一俟定案頒發告
示卑職卽當會同委員督商建亭開溝招丁購鐵陸續
開辦以爲正本清源之計等情卑職伏查呂四場煎亭
向在上沙中沙下沙地方建置歷有年所見在下沙已
坍沒入海僅存上中二沙經場委等勘明地勢較高滷
氣歉升見煎之亭已屬產不足額無從添築惟有秦園
竈之南新淤丁蕩滷氣充足堪以建亭一百副並據聲
稱該蕩在於隄外逼近海洋潮汐相應盡屬斥滷多係
不毛其中閒有長草亦甚茸細不成片段無可樵變等

語查例載地方田畝將屆升科之期復加履畝丈勘果有坍場沖漲或成磽确者概免升科今該場丁蕩既據場委等勘明在范隄以外濱臨海洋潮汐皆至盡屬斤漚多係不毛閒有細草不成片段即使報陞沿海窮黎未必有願領荒區甘賠折價之戶徒成廢棄毫無裨益若改筦亭場以多年無可樵變之地易爲產鹽堪裕課稅之區既與州縣沖漲磽确地畝概免報陞之案情形相同並與鹽志新淤灘蕩派給煎丁均勻管業之例亦屬符合是辦煎亭場卽爲完課之地似無窒礙當茲鄂岸缺少眞梁迭奉札飭餘東呂四二場廣筦亭場委員

勘復已閱數月之久該場捨茲丁蕩又別無可移筭之處可否俯照場詳定案頒發告示俾得將筭亭事宜及早開工妥爲添置藉廣產收而副岸銷等情本司查呂四場見煎各亭旣經該分司飭據該場委等勘明地勢較高涵氣歉陞產不足額無從添筭請於秦團竈之南新淤丁蕩涵氣充足堪以建亭一百副垣商王復興等情願置辦應如所請辦理惟所稱該蕩在於隄外逼近海洋潮汐相應多係不毛其中閒有長草亦甚茸細請照例免陞查該蕩新淤前於咸豐元年經前司詳奉前憲批示委員會同通分司督場勘丈共地二百三頃九

十五畝零內除不毛光沙溝渠道路五十七頃十畝零計實地一百四十六頃八十四畝零除補舊缺十四頃六十九畝零議請陞地一百三十二頃十五畝零著令通竈煎丁管業輸租歸與竈戶完納折課核與定例未符飭再確切勘丈詳覆嗣據署通州分司韓茂萱委員候補運判單誠會同確丈與原勘頃畝相符彙同石港掘港二場應陞淤地詳請照則陞科到司又經批查迭催未據覆到茲核該分司來詳似係實情經鹽政馬新貽批近海不毛灘地果能移築亭場洵於產鹽有益如詳免其陞科以廣額產

同治九年四月署運司龐際雲詳據通分司詳據餘東場
大使趙暄稟修亭一案催據垣商何順昌等稟報應修
舊亭一百十二副於上年十月開工茲於本年三月初
九日將亭場築就五十一副煎舍滷池等項均各建造
齊全見已配齊鐵口雙鍋擬於三月十一日督丁開辦
惟是場垣增鐵自應申額計考無如見修之亭多係昔
日荒廢墩基其滷氣之濃淡能否日久應額無虧殊難
預定此時若驟請增額設產鹽未能湧旺抑或滷氣不
陞再請報廢刪除竊恐轉滋周折可否懇請稟明各憲
暫緩入額俟一二年試煎有效再行詳咨似較慎重至

其餘未修荒亭六十一副商等見亦接續興修一俟工竣招有煎丁卽行稟請接續開辦等情卑職隨時親詣查驗該垣等所修荒亭五十一副均屬整齊應由卑職督丁攤曬辦煎以廣產額惟見據該商等稟請暫緩入額係因昔年荒廢之亭甫經修復而滷氣濃淡未能確有把握誠恐試煎無效致貽後累卑職查通泰各場自同治四五年分新增之額仰蒙各憲洞悉場情一再詳請試辦迄今尙未入額該商等所稟係屬實在情形且核與見辦之案相符請俟一二年後各亭產額無虧再行察看情形專案呈請增額等情並造具煎丁花目清

冊轉詳前來署司伏查通屬各場前次清查增添額產該分司等詳請先行試辦三年再行咨部定額其應增額鹽飭令各場於旬報內增入計考今該場稟請試辦尙屬與案相符已批飭通分司轉行該場將修復亭場五十一面先行增入旬報計考一面催商將未修荒亭六十一面趕修完竣詳報經鹽政馬新貽批准

同治九年四月署運司龐際雲詳據通分司詳據豐利場大使稟稱飭催垣商慶常春鄒永福等趕將新築亭面刻日完工具報茲據該商稟稱築亭十面內常春垣五副永福垣五副於二月下旬工竣三月上旬發繳起煎

每鐵每伏額碼一桶循照前案辦理按亭一鐵二鍋如果草豐滷足鐵鍋並計每年可得鹽一千六百桶應否先行試煎伏乞俯賜勘奪等情卑職當卽親詣該商筭亭處所詳加履勘雖滷氣似皆濃厚惟地脈究恐生疏設使產鹽不足尙須相度移建可否查照成案先行試煎暫緩入額之處伏乞批示飭遵並懇賜核轉等情據此卑職伏查此案會據前場劉故員具詳添亭十副鐵鍋並計每年約可得鹽一千六百桶今據署大使陸費燮稟報筭亭工竣已於三月上旬發鐵起煎並經詳加履勘以地脈究恐生疏產鹽設有不足尙須移建請照

各商所稟先行試煎暫緩入額等情卑職查各場新築亭場涵氣是否一律濃厚須俟試煎有效察看情形再行詳請咨部入額該署場所稟核與向辦成案及見辦新額之案均屬相符轉請核示前來署司伏查通泰各場前次清查增添額產該分司等詳請先行試辦再行定額其應增額鹽飭令各場於旬摺內增入計考今該場稟請試辦尙屬與案相符除批通分司轉飭該場趕將修復亭場先行列入旬摺計產以重稽核經鹽政馬新貽批准

同治十二年八月奉分司蕭彥甫稟卑屬各場所產和鹽

居多惟草堰新興廟灣三場向有正梁鹽色卽經轉飭該三場先行試辦並通飭其餘各場一體遵辦去後嗣據該場等先後具復所有置備布袋笤帚蘆席等物均已遵章給發備用惟改砌甃井一節據草新廟三場各報先行試辦四十口卑職因事屬創辦歷時未久尙未能確有把握是以不敢率爾照轉奉札前因卑職隨於赴場巡查考私之便親詣各竈逐細確查查得草堰涵井向用三合土置造用之已久驗其涵色尙屬澄清其新砌甃井四十口已有修補痕迹詢據該商等面稱緣土性不膠甃塊易於塌卸必須時時修補不若三合土

之堅結歷久不壞當此銷滯產旺之際商等籌課維艱力實未逮還求轉稟從緩改砌以紓商困等語又查得新興所鋪甃井亦已修補數次其土性之鬆驗與草堰相似並據該場商面稱每置甃井一口核計甃灰工價共需錢三十七八千文僅能澄滷三四次卽行損裂旋修旋壞商力難支是以未能續置惟有將向用三合土井勤加洗刷以期滷色潔淨等語又查得廟灣所鋪甃井四十口業已塌卸及半見存之二十口亦經修過數次據該商等面稱此處土性大不如通屬之堅凝上年遵辦甃井四十口未及數月全行損壞雖時加修葺勢

難經久商等無力續辦是以僅存二十口其實鹽色之好醜本乎滷質之高低而又在乎澄滷之認真加以煎成之後隨處遮護自無低次礙銷之虞上年蒙恩提充眞梁所重之鹽並非盡出於甄井之滷煎成配運是滷井之用甄用土各有所宜卽此可爲明證等語其餘富豐梁東何丁劉伍等八場本係和鹽場分間有提尖之鹽不過於和鹽中酌量揀選縱令改砌甄井恐難變易其本質據各該大使僉稱地氣使然力難挽回擬請姑仍其舊以示體恤惟有隨時督察煎丁多加澄濾勿使塵灰侵入滷中庶鹽色不雜有合和鹽銷市各等語卑

職伏查講求鹽色但以潔白爲主如果土井與甄井滷色同一澄清原可聽其因地制宜不必盡行改置以免紛更乃將草新廟三場甄井之滷卑職當面試煎察看鹽色似尙無所區別且查上年至今該三場所重尖鹽均合銷售毫無貽誤各商所稟情形委非藉詞朦混其富安等場所產和鹽尙屬潔淨亦有堪充頂梁者但其滷本混濁譬猶人之氣質下愚不移即使強令改砌甄井仍恐成效難收卑職愚昧之見擬請將草新廟三場已辦之甄井飭場督商隨時修葺勿任荒廢並令認真經理俟有實效再飭一律改砌以副憲臺整頓鹽色之

至意經鹽政李宗義批查鹽色之高下原不盡恃甄井之功而鋪砌甄井亦講求鹽色之一端本部堂所屬望於各場者須將總局前議八條事事做到實心經理務使淮南鹽色潔而又潔足以抵敵鄰私力爲辦有成效仰仍督率各場員認真煎煉已砌之甄井勿任廢棄向用之土井勤加洗刷及此外應行整頓各條實力奉行勿存畏難推諉之見是爲至要

光緒十二年十二月儀棧道員吳修鼐詳據金沙場大使陳皓稟稱卑場見設亭場三十三副額產僅止七八百引爲數甚微難以扯輕成本是以多年無商收買場員

因考核綦嚴責無旁貸不得不權辦官收以顧額產而卑場著名瘠缺焉有收鹽鉅款無非設法籌墊全賴運銷迅速方可勉強支持見在運銷之鹽與石港豐利新興四場共一鄂岸必須到棧三年之久始可輪售資本益形占攔伏查卑場存棧未銷之鹽有一千餘引存堆永運又有一千餘引可否准其歸入湘岸融銷以保場局等情職道查係實情擬請將湘岸正梁每票四十引此後廟灣配銷三十引金沙搭銷十引以昭平允經鹽政曾國荃批如議辦理

光緒十七年通屬各場報存亭場實數

角斜場

存亭場三百六面

耕茶場

存亭場五百七十三面

石港場

存亭場二十六面

豐利場

存亭場一百二十七面

掘港場

存亭場八百九十四

金沙場

存亭場四十八面

餘東場

存亭場二百八十面

餘西場

存亭場五十四面

呂四場

存亭場四百二十七面

泰屬各場報存亭場實數

富安場

存亭場三百五十面

安豐場

存亭場一千一百二十四面

梁埭場

存亭場二百七十九面

東臺場

存亭場三百八十一面

何埭場

存亭場六百六十面

丁溪場

存亭場六百四十九面

草堰場

存亭場六百十九面

劉莊場

存亭場二百九十六面

伍佑場

存亭場一千六百六十面

新興場

存亭場一千六十二面

廟灣場

存亭場六十二面

謹按以上淮南亭場

道光十七年海分司童濂稟奉委查丈淮北三場鹽池業將查畢各場情形先後具稟奉飭俟剷除事竣會同分司等明定三場額產鹽數並奉飭議杜絕復鋪私池章程復分途馳往三場勘減套滴水灘查板浦折價最多鹽池亦大海鹽用水灘六七八九面不等雖同一海鹽而滷氣亦有區別故水灘亦多寡不同灘鹽則俱係老池滷氣亦淡水灘自十一二面至五六面始套曬成鹽反不及海鹽之質堅粒大今察看池面之大小灘數之

多寡酌減一二面不等板浦刪減水灘一千八百四十
五面臨興刪減一千二百三十六面中正刪減一千零
十七面已減者悉經卑職等眼同各場官刨毀淨盡查
淮北三場甄鋪鹽池前因綱鹽滯銷多已荒廢迨道光
十二年改行票鹽之後各場始呈請詳明漸次修復其
修復者均係按照廢引頂鋪見在統計三場鹽池按之
折價尙多廢引實無引外多鋪之池查道光十三年三
場並青口僅產鹽二十餘萬引自十四年奉示招徠頂
引鋪池漸多是年卽產鹽三十餘萬引至十五十六十
七等年各場池面鋪齊產鹽漸至六十餘萬引此卽三

場額產之定則若照十一萬五千有零之額折計算是
一引之鹽池遇旺產之年分每歲可埽鹽五六引今歲
板浦及青口雖剷去多池不過竈丁之積弊一清額引
究毫無所減此後歲產之數自亦相同其中或有天時
晴雨靡常人力勤惰不一亦不過略有參差若遇大歉
之年則非所能豫計謹將十二年至十七年三場額產
鹽數另具清摺呈電至稽查杜絕私鋪章程卑職等公
同悉心酌議此次清查丈量之後立法實已周密但恐
日久玩生難保無始勤終怠嗣後應請責成各場大使
每季親歷各曠逐池查驗取具鄉約團長並無私鋪及

私放寬大甘結由場加結詳報再由分司會同總辦委員覆勘加結轉詳如該大使查有丁竈前項情弊立即詳請嚴辦如業經查出之後徇隱不報或但視爲具文並不確實查勘一經分司會同總辦委員查出立將該場大使據實揭參經鹽政陶澍批准照辦

道光十九年海分司童濂奉鹽政批議覆清丈鹽池一案據稱道光十五年共產鹽六十五萬餘引十六年共產鹽六十二萬餘引十七年共產鹽六十一萬餘引此非池面私放寬大何以較前竟能多曬况產鹽三十一萬一千餘引額完一萬一千九百餘兩折價錢糧今產鹽

六十一萬餘引亦仍止完折價前數飭再通盤籌定詳
明定案後另敘妥詳請咨至稽查杜絕私鋪各池應卽
嚴禁池丁永遠不准復行私鋪及私放寬大等弊並將
青口柘汪土淋之鹽土埠土池易成易毀均應如何立
法查禁不致再蹈前轍一併妥議章程詳覆定案等因
批行運司轉飭確查妥議詳覆遵卽轉飭各場大使確
切查詳旋據板中臨三場大使查照丈定見曬鹽池應
完折價引數以見在產鹽最旺之年計算板浦場太平
西臨兩局每年約可產鹽三十三四萬引中正場花垛
局每年約可產鹽二萬引中富疇每年約可產鹽九萬

引臨興場富安等內六疇每年約可產鹽九萬五千餘
引青口等外三疇每年約可產鹽七萬餘引各等情稟
覆卑職查從前綱運滯銷商不收買竈戶埽鹽賣私是
以產數日少至於片引不行自改行票鹽以來減輕科
則招徠遠販人情無不踴躍卽從前私梟既有票鹽可
運亦不願重蹈法網而各隘設卡碁布星羅有犯必獲
實亦無從透漏是以產數日增此卽化梟爲良之明證
惟因派銷限於定額又當旺產之年各垣陳鹽堆積占
擱收買成本無不同稱池產受累是以見今場下情形
利在票販而累在池丁可以決其必無私鋪及私放寬

大情弊至於三場見丈甄池僅止四千七十六面半土池七百八十三面合之志載甄池九千四百二十六面半之數照額所短尙多查池面丈尺有定而產鹽豐歉不同是以折價錢糧係照池面丈尺科算不以產鹽多寡科算見在既無引外多鋪之池卽無額外應增之課茲照舊完納折價十一萬五千八十三引計銀一萬一千九百一十八兩八錢六分六釐其中並無隱漏至於鹽池曬埽與民田之耕種相等耕種有歉有豐曬埽不能無豐無歉均難以豐收之歲爲准查自道光十五年以至覓在共計四年旺產俱在六十萬引以外前次丈

量池面委員係照旺產之數開呈惟當票鹽試行之初
十二年產鹽三十六萬四千五百九十五引零十三年
產鹽二十三萬四千四百二十二引十四年產鹽三十
九萬八千八百四十九引零計此三年之中兩年產不
足額緣晴雨本無定准故豐歉亦難豫定今歲票鹽暢
行商竈踴躍卽逢雨多之歲未必遽至缺額但以見在
六十餘萬引之產數咨部則比前增出一半不必歉收
已難足數將來場官缺溢考成所關甚重是以見今旺
產之歲未可卽爲產鹽之准至於三場情形不同亦如
州縣之缺有大小賦有輕重查板浦場每引徵收價銀

八分五釐零歸併板浦場之徐濱每引徵折價銀六分
八釐零中正場每引徵折價銀八分五釐零歸併中正
場之堯濱每引徵折價銀五分一毫零臨興場每引徵
折價銀五分二釐零歸併臨興場之興莊每引徵折價
銀三分八釐零是不但產鹽之數互有多寡卽折價之
完納亦屬輕重不一又查中正場鹽額於乾隆三十四
年撥出五千五百併引加入臨興又於嘉慶四年撥出
九千併引加入臨興又撥出中正場久經閉歇之九垣
裁歸臨興場之唐生口等三疔督商移建以敷收儲是
青口按折派銷未與三場畫一其中亦非無因惟是三

場曬埽鹽池見今一律鋪販獨青口有土池七百八十
三面查土池無多工本不難額外增鋪亦不難私放寬
大更兼易成易毀臨查則隨時毀去查過則重又鋪成
卽場官每年查明出結亦屬無可設法而究竟不能禁
止除責令照依內地鹽池一律鋪販再無稽查之法惟
是青口三疇竈丁均係濱海窮民自改行票鹽以來每
年所得鹽價僅敷曬埽餬口之用不能實有蓋藏今計
該處鹽池折價四千三十三引八分八釐四毫除販池
二十九面應完折價二百四十三引零其餘土池七百
八十三面應完折價三千七百九十引零以土池改鋪

甄池每引見方一丈共需甄沙工料錢十一千文以三千七百九十引零之土池改鋪甄池共需錢四萬餘千文實非青口竈戶力所能辦亦非一二年所能鋪成卑職與場官委員再三商酌因思青口三疇鹽價每引六錢籤席人工雜費一錢西臨花埭兩局鹽價及雜費等項每引庫平紋銀七錢二分而青口票販付竈之價從前稟明以制錢八百文作銀六錢以見在錢價計算又止合市平紋銀五錢六分同是派疇稽埽未便辦理兩歧應請嗣後青口稽埽之鹽每引實給庫平紋銀七錢二分由票販上稅之時於竈丁應得鹽價六錢之內隨

同正稅先繳銀五分二釐於團長應得籤席人工雜費
一錢二分之內隨同正稅繳銀二分二釐四毫計每引
共銀七分四釐四毫統計每年七萬引共銀五千二百
八兩五年共銀二萬六千四十兩請自道光十九年秋
間爲始三疇土池七百八十三面分作五年按照池面
折價引數次第勒令收束改鋪每年由分司發銀五千
二百八兩由局員轉發誠實團長竈戶具領分給各竈
購辦甄料於秋令票鹽捆竣之後鳩匠興工按方計算
每年可以鋪成七百五十八引通五年計算可以鋪成
三千七百九十引如每年所發銀兩工用稍有不敷應

飭該竈戶等自行措湊如此變通辦理在票販應付鹽價雜費與西臨花塚事同一律並無加增竈戶等所得鹽價雜費照時價換錢計數亦無減少是以鋪甄池之費不患無出統俟五年之後與三場甄池歸於畫一如其產鹽仍旺應卽照例詳請陞科如其產鹽較減應卽詳請撥出銷數歸於板中兩場各垣分派至於產鹽歲額青口旣難遽定則各場亦無從彙成總數統計青口三疔改鋪甄池五年完竣之後與各場一律核實分別確查通盤籌算詳請咨明定額以昭遵守經鹽政陶澍批准照辦

道光十九年海分司童濂詳議覆青口改鋪馱池章程六條

一興鋪馱池分爲五年擬唐興柘三疇按池引攤派立定先後次序改鋪以便稽查也查三疇近接海濱地方延袤地面散漫非按團派定團分次序興鋪難於稽查唐生之八團竈戶程仁發鹽池四面該處距唐生河口相去二十餘里非但票販捆運維艱卽稽查透漏亦屬寫遠應勒令竈戶程仁發首先在於唐生七團之內擇地移鋪並該竈戶名下無池之廢引亦令歸入補鋪卽符引數以次頭團至七團止興莊疇地方遼闊池面較

多碁布星羅參互錯綜應以五總東團鋪起至四總海
濟西團而止於挨次毘連接鋪之中仍寓按總分團分
界之別柘汪疇自頭總沙河團鋪起至二總柳下團而
止以上各疇分別挨次興鋪以杜混雜影射弊端而稽
查亦歸簡易並將分年興辦各疇派定團分池面引數
核明另繕清冊呈核 一瓢池宜定立程式見方以歸
整齊也查土池寬長丈尺參差不一未免弊竇易滋今
此次一律改鋪瓢池自應立定程式飭令遵照池引應
得若干丈尺核明數目興鋪以見方爲則不准寬長各
有參差至原存瓢池二十九面歷年久遠瓢塊損壞其

寬長鋪式並不見方以致易於私放等弊前經委員剷除之後窮竈無力修整愈形殘缺易滋弊端不若趁此興鋪之時將原存甄池督令全行拆毀照額改鋪見方新池庶新舊池面一律如式辦理可以杜絕增寬放大之弊而稽查亦屬瞭然今原存甄池既令改爲見方所需添換甄料及工價等項若令該竈戶自行措辦實力有未逮擬請在於改鋪甄池銀兩項內酌提銀七百三十一兩三錢三分一釐計二百四十三引七分七釐七毫每引派銀三兩津貼各竈備料遵辦以期完整而歸畫一並請頒發制尺以便曉諭飭遵其水灘仍請照前

次委員清丈詳定之案每池一面准留水灘八面此外
儻有不肖竈戶復敢私增察出定卽詳明嚴辦以示懲
儆 一工料銀兩擬酌分成數發領以防虧挪也查三
疇竈戶良莠不一應發鋪池工本銀兩若全數同時發
給爲數較多難免竈戶虧挪今酌定成數分作三次先
後發領按青口三疇每年額行票鹽七萬引前經稟准
照西臨花垛兩局稽埽章程票販應出鹽價籤席人工
雜費每引銀七錢二分內扣收銀七分四釐四毫作爲
改鋪甄池工本統計五年共扣收銀二萬六千零四十
兩除見存甄池二十九面折價二百四十三引七分七

釐七毫應酌提津貼改鋪見方銀七百三十一兩三錢
三分一釐其餘土池應改鋪甄池共七百八十三面折
價三千七百九十引零一分零七毫淨計工料銀二萬
五千三百零八兩六錢六分九釐每引派銀六兩六錢
七分七釐五毫六絲零每年核計鋪成甄池七百五十
餘引應需甄池塊二十餘萬之多青口旣無見存之甄
可買必須豫先開審定燒或從遠處購備輾轉需時應
於七月初間先發銀三成每池一引派發銀二兩零零
三釐二毫六絲八忽飭令各竈具領趕緊購備甄塊及
般運墊基砂礫等料限至九月底辦齊由卑職等驗明

如數卽申報憲案再請發給銀四成每引核派發銀二兩六錢七分一釐零二絲四忽勒限於十月十一月兩月一律鋪成報明驗收之後將餘賸三成全數找發庶不致脫空虧挪其應發銀兩屆期由卑職等造具派鋪池引該竈戶等花名清冊呈送憲案一面飭令總鄉各約並團長帶領各竈執呈池籤請由憲臺按戶當堂飭發俾得實濟免致轉輾 一換給池籤以示遵守也查三疇池面前經清丈之後因恐竈戶私放寬大每面曾發烙印池籤註明疇分竈戶及總鄉約團長各姓名池引丈尺數目今此次改鋪甄池照土池引數丈尺收束

一半一俟九月內購齊甄料由局卽換給烙印池籤仍註明某疇某總某團窰戶及總鄉約團長各姓名甄池引數見方丈尺飭令遵照興鋪永遠遵守舊籤隨卽查銷一改鋪甄池應隨時稽查工竣據實驗收以杜虛糜也查改鋪甄池工本係加票販鹽價自應悉歸實用若任聽窰戶自行辦理恐致草率偷減工料難於堅固興工之時卑職等當不時詣疇查察仍責成總鄉約團長並派撥差役駐疇督率鳩工以期工堅料實費不虛糜完竣之時卑職等會同親往各疇按照池引丈尺逐面查量據實驗收務令池引相符卽報明憲案查核

一俟五年統工一律鋪成應請委員會同清丈以符定制並酌擬產額也查原舊土池既難杜絕放寬是以產額亦無定數若甄池既經鋪竣杜絕私放池引不致浮溢則產鹽之數自有准的查丈以春分秋分爲期蓋因時令適中卽產鹽亦可牽算計數逐日所埽之鹽以統年計論每年約埽若干埽每池一引每埽可收鹽若干斤雖豐歉偶有不齊似不難於酌中定制應請委員會同清丈池引擬定產額詳明定案期垂永遠又查青口三疔從前土甄各池池面大小不同以致產額未能盡一今既飭令一律改鋪甄池自應立定程式以方一丈

爲一引按引興鋪並將舊存甄池二十九面一律拆毀
從新見方改鋪方不致互有參差再放寬大等弊卑職
業已查照海州成案製給五印官弓飭令票販捆鹽之
後按照弓式一律改鋪至定額年限前經卑職稟明必
須五年之後一律鋪甄合之三場歲額方能畫一應請
俯照前稟仍俟五年之後再行定額至鋪池工費均係
由竈戶團長應領鹽價七錢二分之內按引扣存給發
興鋪並不再令票販多完絲毫其板中臨三場池面前
已由委員逐一清丈按照池引相符並無引外多鋪之
池惟據該大使等所請因潮水曬滷每池一面須水灘

八箇以每一日轉曬一箇轉過水灘八面方能成油自
係實在情形可否仍照前次委員詳定成案每池准留
水灘八箇卑職仍於春秋二季飭令三場大使親詣各
曬按照池數逐一查勘核對並令出具各竈不致私放
寬大甘結經鹽政陳鑿飭運司核准

光緒三年四月海分司于寶之稟伏查北鹺銷數疲滯由
於私鹽充斥清源之法首在場竈而稽查垣產尤以清
理池面爲最要查甄池例有定額不准私放亦不准私
鋪自垣商無力廣收竈戶私行透漏竟有於額池外私
築沙基任意曬埽遂致餘鹽日多透私日甚卑職深知

此弊業於二月間派委候補巡檢杜保恩等八員分赴板浦中正兩場會同場員各帶勇役分投查禁務將沙基一律犁毀並稟明運司在案一面嚴飭場委督商各將瓢池丈尺引數及水灘面數四至丈尺逐細丈量開造圖冊呈候勘辦如有不按定額私放寬大者卽先令其拆毀另鋪昨據杜巡檢保恩稟稱近來各垣總由灘場太大道數太多是以易曬沙基見擬遵照鹽法志每瓢池一面水灘以九道爲度仍不得過瓢池丈尺八倍之數除所留九道八倍之外悉令刨毀等情所議尙屬妥協已飭令遵照認真查辦俾不至有私產經鹽政沈

葆植批清理池面剷除沙基爲整頓場窰之首務既據派員赴場查辦仰卽勒限轉飭該印委認真丈量完竣稟報該分司仍須不時伺隙親往查核以清私源

光緒三年五月板浦場大使錢敬曾等稟遵查太平中富各疔池面逼近海濱向係引潮曬埽滷氣較厚故有沙基名目見奉本分司派委各員會同周歷各圩逐一清查凡於養水灘之外另有土格者隨卽押令一律剷除卑職等每至一圩必諄諄告誡不准再行私築並取具各窰切結存案其西臨臨浦各疔距海較遠向係汲井曬埽工力旣費滷氣亦淡而所汲之水僅敷養水灘曬

埽是以不遑再築沙基當此功令森嚴之際謹當隨時
赴圩嚴行查禁斷不敢因本無沙基稍涉大意經鹽政
沈葆楨批緝私以嚴查竈漏爲第一要義蓋堵之於已
出場之後不若防之於未出場之先各曠私築沙基據
稱會委一律剷除究竟太平剷除若干中富剷除若干
辦竣後卽將實數通報以後應由該大使等不時伺隙
親往查察遇有剷而復築者立予提懲不得徒以取結
了事至票販網運重斤難逃場員耳目本年新網儻再
任聽丁役收受黑費私放重斤定惟該大使等是問

光緒三年十二月海分司于寶之稟卑屬三場各垣鋪置

鹽池例有定制不准私築沙基亦不准私增寬大原以杜私曬透漏之弊本年春夏旺埽之期卽經卑職飭委會同各場員認真清查據各員會稟稱太中所築沙基大都影射於水灘之中茲酌留水灘九道八倍俾所養之鹵僅敷輒池套曬其餘一律剷除以示區別則沙基不禁而自絕所有太平共剷除水灘沙基一千九百五十二塊中富共剷除水灘沙基一千九塊見已一律辦竣嗣後仍當隨時督飭場員伺隙嚴查據實稟辦不任旋毀旋築以清私源經鹽政沈葆楨批允

光緒四年四月板浦場大使林之蘅等稟溯自軍興以後

場務靡不廢弛迄今十數年尙未能規復舊制如三場鹽池雖經清丈一次迨後揭舊鋪新往往參差不齊歲有變更池引丈尺遂又無從稽查沙基之弊由此而生年復一年產浮於額各商始以扯輕成本惟恐出鹽不豐既而積累如山又苦轉輸之策卒至資本全行占擱無力儘產儘收不肖竈丁因而乘間透漏大局反受其累道光年間亦有鹽多之患可爲殷鑒茲查卑三場池面以及太平中富沙基上年業經海分司遴委查丈飭令分別剷除若不趁此設法稽查又恐日久玩生復蹈前轍與其挽救於將來曷若防閑於先事復查票鹽志

載每池一面發給印烙池籤註明疇分竈之及總鄉約團長各姓名池引丈尺數目庶可一目了然以杜私鋪之漸立法本善惟竈戶如何懲治未經議及况池籤廢之已久若輩更無顧忌擬請酌復舊制明定章程查照各疇見曬池面由場設立池籤詳晰註明烙發嗣後春秋旺埽之時仍由卑場周歷各圩逐一查丈悉憑印烙池籤核對總期池引相符產鹽制額以歸核實設有私放寬大及私築沙基希圖影射者立將該竈丁重懲一面驅逐出圩並將失察之掌管枷號遊竈示眾如訊係知情不報亦卽隨時究逐毋許容留以昭炯戒此次定

章之後如果池老瓢酥必須揭舊換新該商應按照池籤內所註池面寬長丈尺引數復鋪不准稍有參差設竟陽奉陰違一經查出卽行押令拆改以示限制再淮北各圩掌管猶淮南各竈頭長名雖異而實同頭長則專司火伏掌管則督察曬埽均有稽查透私之責淮南頭長向由場員選充乃淮北掌管盡歸垣商私自招募既非在官人役卽可來去自由不特有關政體且狡黠竈丁往往不遵約束圩規之壞悉基於此擬請仿照淮南成案將各圩掌管飭令一律入卯嗣後卽由該管垣商隨時選舉稟場著充以專責成而資鈴束經鹽政吳

元炳批允

光緒十七年海屬各場報存甄池實數

板浦場

存甄池四千九百六十五面

中正場

存甄池二千四百八十九面

臨興場

存甄池一千九百九十九面半

謹按以上淮北甄池

兩淮鹽法志卷三十

兩淮鹽法志卷三十一

場竈門

天伏

凡論生財之道皆以開源節流爲要義獨鹺務則宜節源而開流源苟不節生者眾食者寡勢必壅闕不行竈戶坐困而垣商亦病矣故嚴火伏以防溢額清盤繳以杜私煎皆所以節其源使之生息有定數然後再講開流之法擴口岸廣銷路邊鄰私絕侵佔二者備至而鹽乃暢行無阻焉夫節流必自火伏始盤繳次之亭池公垣又次之志火伏

雍正五年巡鹽御史噶爾泰題請舉行火伏之法六年兩浙總督李衛會同兩江總督范時繹巡鹽御史噶爾泰題覆場竈舉行火伏實爲防杜透漏良規戶部覆准嗣後各竈燒鹽處所諭令商人公舉幹練殷實者按其場竈酌用數人並設立竈長巡役各數名一同巡查凡竈戶燒鹽逐時呈報該場大使核其開煎息火之候較其鹽斤多寡之數務使盡入商垣如有餘剩鹽斤卽令殷實商人量力收買倘有透漏情弊卽將商人竈長巡役一體責懲凡州縣場司俱令設立十家保甲互相稽查一有私販許卽據實首明將私鹽變價分別賞給挾讎

糾黨誣扳報怨之事審明加倍治罪是年巡察御史戴
音保奏請清查盤鏹再嚴前法當經巡鹽御史噶爾泰
於通泰所屬各場按竈地亭鏹之繁簡酌設竈長竈頭
巡商巡役磨對走役又委場商督率稽查凡在場務煎
竈戶名下或盤幾角鏹幾口以煎燒一晝夜爲一火伏
每盤鏹一火伏得鹽若干卽爲定額造冊立案每一戶
給印牌一面卽於同竈中選舉竈頭數人分戶責令承
管又於數竈中選舉一人統轄各竈頭所管煎戶其管
下各戶印牌竈長收藏竈戶起火煎鹽報明竈頭先向
竈長領牌懸於煎舍煎畢止火將印牌繳還竈長其竈

頭照伊領牌繳牌時刻登記一簿復按時刻赴煎舍盤查如有缺額立時同竈長報究場員又預給用印根單聯票存於竈長逐日將各戶起伏時刻應得鹽數填入根單存查一面卽於聯二印票前頁內填明竈戶姓名鹽數親給該竈運鹽入垣又於各商垣總匯之處分設磨對公所竈戶運鹽經過將聯票交磨對掛號截存前頁仍將後頁給還竈戶執運鹽斤入垣場商量收若干桶一面給發鹽價一面於後頁內註明收鹽數目磨對日期遣走役赴各垣收比後票與前票核對竈長仍每月十日一次將逐日所填根單亦齎送磨對再與各票

核對一有參差立即稟場查究但竈長竈頭均屬同竈
丁戶恐其捏改火伏時候有等奸頑竈丁或起火於領
牌之先或伏火於繳牌之後匿鹽濟販無可稽考復招
募熟諳鹽務之消乏商裔充爲巡商一名帶巡役二名
分派竈地各給公費並船驢等逐日在竈遊巡凡遇煎
燒之戶必查其有無印牌有則於循環簿內登記無則
以私煎執究仍於每月底將循環二簿輪流繳送磨對
與竈長根單聯票查核磨對即將一月內竈產商收鹽
數造冊同單票簿扇送場員核明彙造總冊送運司查
考並同單票簿齎送分司核對如有不符分司就近提

訊詳究第各場地廣竈多場員有聽斷催徵之事查察不周是以每場又選委揚商數人住場督率稽查此火伏初行上下辦理稽查之規模也日久法弛委商因循巡磨懈惰頭長作弊勢非官法不能振作遂將委商裁汰一切巡查事宜專責分司督率場員稽查辦理凡火伏單票分司設法總磨每月加意磨核按季造送運司查考出鹽多寡轉報查考十一年將三江營同知改爲鹽務道外緝梟販內嚴火伏而前道曾宏緒復請舉勸懲之法以各場盤鏹一年之內作煎鹽百日計算應得若干鹽數著爲定額分作十分考核官商頭長每於歲

底場員將一年所出鹽數造冊申送分司照銷引奏冊式於次年二月內彙造總冊申道呈院分別功過照例勸懲於是分司場員感發奮興凡各場之中或盤斂無稽或鹽垣不清或保甲廢弛或巡商曠役前秦州分司顧茹議稟一議請清查盤斂如有廢毀更換按季造冊增除一議請商垣鹽數每季開造四柱清冊呈送查考仍於年終盤查垣存實數以杜夾帶一議請各場竈煎編立牌甲每戶給門牌一面填明大小丁口懸挂煎蓬責令竈長竈頭稽查面生可疑之人不許容留在竈及奸匪掘亭毀井竊斂燒草等事嚴行察拏報究一議請

各竈適中之地搭蓋草屋令巡商率領巡役常川居住
晝夜巡查不許寓居街市間遊曠廢並驗其原給巡驢
巡船毋許虛應故事俱經詳准遵行數年之內立法奉
行可謂無怠乃緣前鹽道曾宏緒所議未經分晰產鹽
旺歉商力不齊是以旋據各分司詳請停止而分司場
員督率亦漸懈怠其後鹽價高昂近場州縣肩挑背販
之徒絡繹不絕乾隆八年巡鹽御史準泰復經整飭至
十年巡鹽御史吉慶復督運司朱續暉參酌時議詳立
條約力除火伏積弊俾各分司場員遵守如初

雍正六年五月浙江總督兼理兩浙鹽務李衛題覆兩淮

與江南浙江接壤鹽務雖各有成法而大概相同

聖恩軫念艱務有關

國課令臣等會同確議今准江南督臣范時繹兩淮鹽官
噶爾泰逐欸定議臣再加參酌如所議舉行火伏之法
公舉幹練殷實商人並設竈長一同巡查竈戶開煎息
火之候較其鹽數盡入商垣如有餘鹽令殷實商人收
買配運儻仍有透漏惟巡查之商人竈長是問臣查竈
鹽盡歸商收私販何由得鹽偷買兩淮見定之法原與
浙江舊規相似惟因浙商資本不及兩淮是以臣於松
所浦東袁浦青邨下砂四場所煎之鹽除盡入倉商人

收買外餘贖之鹽請動公項銀兩交場員照數收買兩淮商本寬餘毋庸再發官價又議稱各場竈煎鹽斤向例俱送商垣今恐有透漏無從稽查已經會題請令竈戶煎鹽逐時呈報大使按月冊報察其有無透漏分別勸懲臣查兩浙竈煎鹽斤向例按日交儲商厥填單申報以杜私售然卽有不肖買商虛出厥收應比故於捆掣之後卽將其所報交收數目嚴加核對如收多掣少卽究其通同偷賣之弊今兩淮雖有責成大使月報之法或恐微員尙有贍徇應於捆掣之後將其交收數目鹽臣再加稽核使不能隱藏部議如所請行

雍正六年十一月部覆江南巡察御史戴音保條奏請嚴
火伏之法並淮北五場曬鹽責令場官稽查全數入垣
應如所奏舉行火伏之法令幹練殷實商人並所設竈
長巡役一同巡查凡竈戶燒鹽逐時呈報該場大使核
其開煎熄火之候較其多寡務使俱入商垣毋許顆粒
私賣至淮北五場所產係潮水曬埽成鹽其間晴明風
雨不齊多寡原無定數應嚴飭各場官就近稽查將日
曬鹽斤亦照數收入商垣不得堆積池旁致滋弊竇其
南北各場所所有餘鹽卽令殷實商人收買配運酌加引
課仍將每年額煎鹽斤並餘鹽各數造冊送部查核如

有透漏卽將商人竈長巡役均照私販例治罪儻場員不能實力奉行許該分司不時查參卽同商人竈長人等一體治罪

乾隆二十九年十月鹽政高恆奏場竈煎鹽向來稽查火伏章程每竈選舉一人爲竈頭數竈又舉一人爲竈長專司收發火伏印牌查記單簿又有巡役往來巡查立法已爲周密此外又有巡商磨對數人且委揚商一人督率乃行之未久卽以揚商爲無益先行裁汰迨後巡商安居街市並不身住竈地巡查磨對亦不查對根單祇於照鈔鹽數歲糜公項查大使該管一場較之州縣

地方不過一隅果能實心經理分司更能董率稽查則
火伏情形原在耳目聞見之內何用巡商龐雜其間轉
滋流弊隨行運司通飭各場將巡商磨對全行裁汰其
竈長竈頭逐加甄別必住居竈地日事煎鹽而又殷實
老成者方准承充又於水陸要隘添設巡快俱令該大
使周流查察如有火伏逾時私煎透漏竈戶照例究處
竈長竈頭分別責革大使疏忽分司瞻徇一併參處奉
硃批知道了欽此

乾隆三十五年七月運司鄭大進議詳各場盤繳原定一
年之內煎鹽百日爲率計其應得數目著爲定額嗣將

豐利等二十一場俱增爲一百四十日惟廟灣一場照
九十日煎鹽以致歷年均未足額查場竈煎鹽雖由人
力實賴天時地利久晴則淋漓無資連陰則不能攤曬
且冬令春初或鹽花歸土或滷氣未升原不能概以一
百四十日之煎辦更有海遠之區潮難驟引低窪之地
水身浸積今確按各場實在情形酌將富安安豐梁埭
東臺尙埭丁谿草堰劉莊新興伍祐角斜耕茶掘港十
三場均定以一百三十日豐利一百日廟灣石港金沙
餘西餘東呂四六場定以九十日遇閏之年各加十日
庶確實酌定頭長竈戶無從藉詞塞責經鹽政李質穎

批允施行

乾隆四十三年六月戶部議覆鹽政伊齡阿條奏向來各場竈盤繳原有定數設有增減必須冊報見飭各屬分晰原額及增減各數按季確報仍委員赴場抽查如有私增盤繳卽眼同毀棄並將私增之竈戶漏報之場官分別究治至火伏與鹽繳相爲表裏向來每場每歲俱有定額每一火伏出鹽若干亦有定數應將稽查之竈頭竈長甄別揀選充當由運司給發循環印簿令場官將竈戶煎出鹽數按日分寫分上下半月送核則火伏日期與鹽繳冊數可以層層比較等語查定例各場燒

鹽盤鏹俱設有定數煎鹽以一晝夜爲火伏該場大使核其開煎息火之候較其鹽斤多寡之數務使盡入商垣又設有竈頭竈長往來巡察以杜私煎立法本屬周密該鹽政所奏原係舊例自應實力奉行如有火伏逾時及私添盤鏹等弊卽將竈頭竈長照販私例治罪其漏報之分司大使等嚴參分別究治

乾隆五十七年四月護理鹽運司淮南監掣同知陳淇緒詳請申嚴火伏事宜一各場遇有新增盤鏹例應隨時查報請發火伏印牌方始開煎嗣後凡新建亭場於筭置完竣時卽詳請印牌聲明購買鏹口數目總以運鏹

到竈之日爲始場員親詣查明督令卽於是日開煎入額具報儻有商竈隱匿責成場員查究場員失察責成分司查參一火伏成規場員先發小簿以給煎丁小票以給竈頭運司火伏印牌給竈長收存凡煎丁起火則向竈頭領取小票註明某竈某丁於某時起火持赴竈長領取火伏牌懸挂煎舍伏火之時仍持小票小簿赴竈頭核明止火日時填註小票該煎丁持赴竈長處繳牌竈長一面填註根單一面於小簿註明起止日時得鹽若干仍付煎丁收執該丁裝鹽赴垣之時持小票向竈長處註明車船戶姓名裝鹽若干然後發與聯票運

赴商垣立法本極周備但恐日久玩生奉行不力應再行嚴飭各場員督飭各巡役頭長人等照例實力稽查如有怠玩分別參究一竈鹽運垣水陸道路本非商旅通衢所有載鹽車船向係逐一編號以爲識認但不隨時查察則舊編之號既恐日久模糊新添車船難免漏編之處應通飭各場員將現在運鹽車船毋論新舊一概從新編烙號數加填油硃仍將編過車船戶姓名造冊送司查核嗣後一年一次清查如有新添車船隨時編烙造報如無印烙之車船及艚小舢舨裝載鹽斤或印烙車船載鹽不由赴垣正路卽係販私隨時查拏詳

究一私販供扳竈戶賣私該州縣必須訊明竈戶年貌住吐買鹽月日數目有無證據逐細錄供移場查對火伏簿扇有無透漏實則解縣究擬虛則移覆如場員有心徇庇察出嚴參經鹽政全德批准飭遵

謹按前明嘉靖鹽法志自子至亥謂之一伏火凡六乾燒鹽六盤盤百斤是火伏之名其來已久但未立有法制耳至

國朝雍正五年始講求其說嗣是日增嚴密誠稽煎之良法也

又按淮北三場池鹽止須曬埽無所謂火伏然透漏

甚易商人自置本池每於曬成未埽之前自願資本
令人前往看估約其鹽若干擔已有成數竈戶照數
歸垣不敢隱漏惟自鋪之客池竈戶自行曬埽歸垣
其弊殊難枚舉乾隆三十二年經鹽政普福檄行令
淮北交易主顧商垣照商人自置本池之法於曬成
未埽之先令人前往看估若一池向於兩三垣交易
者卽公同查明分售垣商將客池所收鹽數半月一
次報明經管大使隨時查察轉報分司分司亦按季
抽查仍令大使一月一次報運司稽核儻看估人等
及竈戶串通滋弊卽行詳究淮北埽鹽自此始有章

併隨詳聲敘察核毋稍稽延

道光二年七月戶部議覆兩淮鹽政曾煥復奏御史條陳
案內據該御史原奏產鹽火伏視爲具文奸竈盜賣梟
徒興販等語臣查火伏之法載在鹽法志是場員專責
產鹽缺濫例有考成惟各場袤廣百數十里不等由場
往來查察勢難逐竈督煎其呈報火伏日時或有先後
參差鹽數卽不確實見在商運竭蹶場課不資總由於
口岸滯銷而滯銷之故實由鄰私充斥湖廣有川私粵
私潞私江西有粵私浙私閩私皆數倍於場竈透漏之
弊更有回空糧船自長蘆起沿途夾帶約計亦不下數

十萬引綱地全侵銷引日絀若不堵截鄰私而祇嚴場
竈究於淮鹺無裨等語臣部查稽查竈產責於場員堵
截鄰私責在地方文武員弁私靖則官引自疏此係必
然之理今該鹽政奏稱各場袤廣百數十里場員往來
查察勢難逐竈督煎其呈報火伏日時或有先後參差
鹽數卽不能確實至見在口岸滯銷實由鄰私充斥若
不堵截鄰私而祇嚴場竈究屬無裨等語臣等伏思除
弊宜清其源立法必行自近如果竈鹽火伏場員能稽
查嚴密全行運入商垣不挂絲毫透漏則私販自無處
盜買鹽斤肆行散賣無論鄰私能否截清而本省梟徒

已不禁而自絕況各場均設員經理督煎是其專責儻
火伏日期或有先後參差致鹽數不能確實卽惟場員
是問不能以該員等勢難逐竈督煎遂任令竈丁滋弊
應令該鹽政嚴飭各場員督率戶丁人等隨時認真防
範毋許透出濟私至緝私章程前經兩江督臣孫玉庭
條奏寬其處分拏獲私鹽分別獎賞於鹺務日有起色
第恐日久懈生亦不可不防其漸相應再行請

旨飭令該督撫實力稽查並令漕督轉飭沿途文武員弁將回
空糧船夾帶私鹽一併嚴搜淨盡凡私販之侵越旣當
固其藩籬而場竈之透漏尤不可稍存怠息庶私梟斂

迹而官引暢行矣奉

旨依議欽此

道光二年十一月運司錢寶甯牌行場竈爲透私之源自應遵照定例稽查力行火伏嚴飭通秦分司清查各場盤餉實數及試煎鹽餉若干每日煎鹽按旬開摺通報除捆運之外餘鹽儘數收買歸垣年終再行彙詳核銷不使顆粒餘剩其桶稱均須核準每桶二百斤不准浮裝每逢五六七八等月應加滷耗月分照例加添如各商收鹽雖在應加滷耗之期而出鹽月分已在不應加耗之時亦不准加帶以杜影射之弊合飭各場申明章

滄具詳毋遲

道光四年五月運司張青選詳據餘西場大使汪寶德詳稱遵奉憲行親詣各竈逐加查察卑場向無煎鹽盤鐵所有額設煎鐵九十四戶俱屬完整足額並無荒棄浮多影射之弊卑場各竈附近海濱涵氣盈足並非歉薄數年以來額產竈鹽有盈無絀前任保大使任內曾於嘉慶二十二年間詳請增額二十八戶尙未奉發牌照開煎入額至於稽查捆運收堆存垣各事宜遵照定章嚴令各竈頭長將竈丁領牌起火止火時刻隨時登記簿扇煎出鹽斤隨令填註根單并令頭長人等將竈丁

煎出之鹽各加記驗一面赴場稟報某竈某丁產鹽若干數當卽儘數令歸商垣不許顆粒存竈如竈丁捏改火伏透漏販私責令巡役稽查據實稟報卽時提同頭長人等一並究治仍不時親歷各竈查察並每旬比較各竈鹽數缺溢分別獎賞究懲務使有盈無絀又據金沙場大使張師詳稱遵查卑場額設煎盤五十一角煎鑊二百二口除去廢盤二十八角廢鑊二十五口外每日額產鹽一百九十四桶二分每年以九十日煎鹽其該額產一萬七千四百七十八桶前經前任大使安格查明淨存盤鑊詳請減額有案卑職自任事以來恪遵

定例不時親身稽查力行火伏所有實在盤繳查前任
詳報無訛除見煎之外並無試煎另繳惟前任詳減數
目究未定案其旬月摺冊仍照舊設盤繳申報止有缺
額而無盈溢儻蒙往照詳減之數更昭核實又據餘東
場大使汪之選詳稱遵查卑場各竈盤繳數目及每日
煎鹽額數均經按旬摺報在案竈產鹽斤儘產儘收並
無餘存在竈以杜弊竇除捆運之外存堆餘鹽每年年
終於一併盤查商垣餘鹽等事申報在案卑職平日督
率頭長稽查火伏不致私煎透漏每月按旬查比鹽數
分別缺溢獎懲實力奉行不敢少懈又據豐利場大使

福壽詳稱遵將卑場稽查火伏俱係遵照憲定章程嚴督火伏頭長催令竈丁攤淋滷水呈報起火伏火時日竈長填註簿扇稽核亭內鏹口額數見產鹽數填給聯票巡役督丁運入商垣經商查照聯票內填註產數量交商收數目相符給丁桶價回竈攤淋煎辦額產稍有不符合立即查究並飭竈頭長巡役人等常川於墩舍巡緝私煎透漏查拏梟販卑職不時親詣竈所稽考火伏起止時日煎產鹽數稍有舛錯及懶惰不煎缺額之丁就於竈所責懲仍遵照按旬摘提督產不力頭長巡役及煎不足額竈丁嚴飭限補不敢稍自徇隱有誤額產

並致透漏之弊又據柝茶場大使蔡傳聲詳稱遵查卑屬柝茶近年無商收買各竈停煎亭鏹止有塌廢並無添設試煎李堡見存一商收買各竈盤鏹均與額數相符見在亦無試煎鹽鏹每日煎鹽儘收入垣除捆運之外餘鹽盡存商垣按旬開摺通報在案其稽查火伏卑職不時親詣各竈按亭嚴查各丁起止火伏飭令頭長等將煎鹽儘數押運歸垣毋許顆粒存竈致滋透漏又據署角斜場大使孫興詳稱稽查火伏均係遵照舊章奉行按旬查比頭長溢則獎賞缺則責懲卑職不時親赴各竈督煎稽查所產竈鹽儘數押令歸垣並無顆粒

透漏見在各竈並無試煎鹽鐵每日竈產鹽斤按旬開摺呈報又據呂四場大使林樹寶詳稱遵查卑場額蕩二千二百九十四頃零原坍缺地一千二百頃零是以蕩草每不敷煎一遇青黃不接之時常虞缺乏經前任大使歷將蘆葦雜薪一體詳請攔禁出場見在嚴督各役在於場境支港河口周歷巡查遇有私草船隻出境卽行拏獲詳辦又據署掘港場大使張謙詳稱伏查場竈首嚴火伏杜私惟在稽煎歷來遵奉成規飭令竈頭長稽查煎丁起止火伏時刻註簿填單按旬具報卑職抵任後嚴密稽查按卯核比頭長缺溢分別賞罰見在

親赴各竈周歷察看按煎丁勤惰分別勸懲查場竈道
路遠近數十里不等誠恐顧此失彼並令各該商夥多
詣各亭登記火伏逐日查對垣收單票以杜中途透漏
務使產鹽儘數歸垣顆粒毋許存留在竈致滋弊竇場
竈漸有起色所有額設盤繳因卑場海勢外漲潮水不
能一律上升靠上亭場倒廢修復無益經前任梁大使
於涵水有餘不足案內查報在案卑場亭均商置見已
停歇數垣卑職督令一體開煎煎出鹽斤諭令有力之
垣設法收撥查見在並無試煎繳口如有涵氣濃厚之
處自當據實開報不敢隱匿又據署石港場大使王鑑

詳稱遵查卑場亭場四十七面前煎鐵四十八口見在並
無試煎亭鐵查卑場各竈地面廣闊亭場稀少蕩草有
餘涵氣重厚儘可添亭廣煎奈卑場商本力微不能增
添亭鐵曾經正任陳大使詳請添商增置亭鐵在案卑
職任事以來首嚴火伏杜私惟在稽煎嚴飭頭長稽查
煎丁起止火伏時刻註簿填單按旬稟報溢則獎賞缺
則提比並逐日查對垣收單票以杜中途透漏務使儘
數歸垣毋許顆粒在竈各等情據此本司伏查各場竈
煎爲引運之源欲足額煎必嚴火伏清查盤鐵自杜私
源節經本司督令各該大使遵照舊章實力奉行不時

赴竈督煎稽查勤惰分別賞罰總期產鹽顆粒歸垣迅速捆運仍各按旬月開摺通報毋許稍有透漏其滷氣轉移各場增減斂口數目均於滷水有餘不足案內查報在案見在仍令分司督飭各場大使隨時查看情形或增或減據實造報至蕩草尤爲煎燒根本均經飭令各該大使申明定例出示嚴禁仍督場派役駐隘巡查有犯必懲務使足裕竈煎以期仰副各憲整飭鹽法之至意

光緒六年九月泰分司金兆槃稟鹽務首重緝私私出於竈確稽火伏爲正本清源之要無如頭長填報火伏久

屬具文上年查辦考私分派委員駐竈認真稽查竈私無從透漏考私因之自絕惟派員稽查未能持久業經許運判責成場員將火伏分數嚴加考核不得虛應故事并督飭巡役於各隘口加緊堵緝以期表裏相輔再竈戶透私既嚴其防宜恤其情庶幾就我範圍絕其僥倖緣竈丁以前煎鹽爲生一日不煎卽一日無食冬令鹽花入士卒歲無資私販每於此時付價定鹽濱海窮氓往往受其所愚又竈鹽入垣車載舟運已不免跋涉之勞及抵包垣更須守候量收不若與私販覩面交易之爲便且可無虞剝削以上二端當令垣商隨時體恤免

致甘心試法似可與杜私相輔而行經鹽政劉坤一批
允

光緒六年十一月泰分司項晉蕃稟緝私之要首重在竈
稽查前人所定火伏章程實爲正本清源之策上年查
辦考私多派委員駐竈酌給竈頭長飯食責令認真查
察爲時僅及半年頗有成效然經費已用去一萬餘串
爲數甚鉅誠恐持久難籌卑職連日接見各場大使商
議量爲變通之法擬令以商亭責商竈亭責官各酌派
商夥幕友下竈督同頭長人等將收鹽火伏認真稽查
不准稍有透漏並議酌籌經費隨時津貼以收實效本

年入秋以來天氣亢晴竈下已有兩月餘無雨地土乾裂溷氣不升秋產業已報歉竈丁以煎鹽爲業其亭竈之近海者有潮灌入尙可取溷供煎離海較遠者見在挖井掘塘竭力經營生計日絀其窮困有甚於在前者謹擬章程呈核 一嚴核晴雨摺報實稽產數以杜竈私也查淮南各場煎鹽先須攤灰淋溷必須俟雨滋土潤之後繼以朗晴數天始能鹽花旺出若久雨則溷氣泡淡亢晴則地土燥乾於出鹽均非所宜各場尙有晴雨摺報原爲稽核產收旺歉而設近來視同具文無人過問以致垣收鹽數無可查核譬如一日雨而妄報三

日雨此兩日內所產之鹽竈戶便可藏匿私售以通計
之其透私有不可勝言者則雖有火伏聯票亦屬無從
根查是欲察火伏之分數必兼核晴雨之日期二者原
係相表裏者也卑職見擬整頓火伏以稽產數並設立
晴雨簿扇逐日登註仍分別旺產歉產期內俟各場晴
雨摺到後逐加比對不時派人密查以晴雨之時日稽
產收之多寡卽以別火伏之虛實層層考核不使稍涉
鬆懈並通飭各場一體立簿按日登註不得任令書吏
隨意填寫以杜弊混又聞諺云一夜西風十萬桶故每
遇西風當令之時各場產收必旺前人於署內豎一木

桿上懸旗幟別風色以稽鹽數者其法甚善擬卽通飭各場仿照辦理隨時察看風色認真比煎不使顆粒隱匿仍與稽查火伏之法並行不悖以期竈鹽盡數歸垣則場私不緝而日見稀少矣 一請酌給竈頭長賞銀以資鼓勵也查額定凡竈頭長人役原有稽火伏之責舊章每名日給工食銀五分按季考核產鹽缺溢則全支工食另加賞銀缺則分別扣罰仍加責比法至善也兵燹以後久已停給前經陞任運司丁詳明酌復工食每名減爲日給銀三分仍照舊章溢缺支給並奉前署運司程特派委員赴場核實散放嗣因庫欸不充復

經停給夫竈頭竈長向有額定名數卽是在官人役今
名爲官役而辦公無資安望其稽察之得力且難保無
句串販私情弊似宜酌復工食以重責成查秦屬額定
頭長六百三十五名以每名日給三分計之每月共需
銀五百七十餘兩值此庫儲支絀竊恐爲數較鉅籌欸
爲難茲擬量爲變通改工食爲賞號每季酌請領銀七
百五十兩仍查照缺溢章程擇其平日稽查火伏尤爲
得力者給予獎賞其怠玩作弊者隨時責革似此分別
勸懲庶頭長等人人知奮稽煎認真多收一引場鹽卽
少一引透私似亦相輔而行之一助也此項賞銀擬請

在於運庫緝私經費項下動支仍由卑分司衙門按季請領由卑職派委委員分赴各場查明給賞不假胥吏之手以杜需索仍按季造冊呈報以昭核實如以後頭長人等果能勤於稽查著有成效賞號銀數不敷支給隨時再由卑職捐廉添放以期日有起色經鹽政劉坤一批飭運司照辦

兩淮鹽法志卷三賚一

三

兩淮鹽法志卷三十一

場竈門

垣堆

前明兩淮三十場竈戶領草蕩於官以供煎熬鹽成而儲之倉各商納糧於邊持引赴場支鹽乃以倉鹽給之名曰邊中海支萬厯間改徵折價鹽倉遂廢

國朝因倉基陞課又准御史請設公垣以爲各商堆鹽之所大抵皆商自爲垣非鹽倉之舊矣然自公垣旣立竈戶所煎之鹽悉歸垣商收買垣商儲鹽於垣或五六年始輪運儀棧發售竈產日盛而垣力不支竈垣兩困於

是濟收之說興焉志垣堆

順治十七年十一月御史李贊元奏臣稽往制各場原有鐵盤竈戶皆係官丁立有團煎之法今竈戶已輪折價不納丁鹽官煎之法已廢所以多寡聽其自煎官私由其自賣弊孔百出爲今之計莫如令各鹽場設立公垣責令場官專司啟閉凡竈之鹽俱令入垣與商交易猶之納丁鹽者儲之官倉凡在垣以外者卽以私鹽論罪商人領引赴場卽入垣中公買照引捆完場官驗明照數放出無引不許私放倘有拏獲私販夾帶等弊卽根究係何場之鹽查出將該場官役竈戶一併重究經部

議覆准

順治十七年巡鹽御史李贊元檄邇來商人引目全不到場巡緝者憑何稽查故引鹽不離之例法在必行昔鹽上倉堆鹽之處卽爲官堆商人領引到場謂之支鹽是場有現在之鹽商人到處不患無鹽今則自爲買補彼竈戶不過零星升斗一商所須數萬何時得能收足預令人買鹽上堆所不免也欲先給引帶去而借名遲延反得以重複影射欲弛前禁謂商人鹽堆可以不問而大國巨販亦可假自稱商爲弊更甚再四籌畫須該道給以批票上書某商在某場買鹽上堆該場巡緝員役

驗明毋得需索如無執照卽係囤戶據實拏究仍復曉諭各場凡鹽在堆驗其報照重捆出場驗其引目公私旣分稽查兩便但其閒有商人令人自買者亦有別商堆買轉賣於商人者彼見別戶不得買鹽成堆商人又不能不別戶零收自然高價措勒竟有數年之鹽不能交易反爲不便擬將批票一年一繳每於年終具呈繳批內開一年之內堆鹽若干賣於商人若干理合換批卽商人自己買補者亦云堆鹽若干已行若干更爲妥確

康熙十六年十月巡鹽御史郝浴檄各商赴場買補引數

繁多一時難以捆築必預向各竈零星收買因有奸竈
土棍代爲包管借收商鹽爲名日肆私販甚或商夥下
場亦從而私囤私賣或藉詞火鹽滴耗恣意多築近則
旋售於私窟遠則暗帶於口岸甚至壩上引目並不到
場大包無復斤兩過橋過所百方詭寄或做斤或買鈹
此私鹽所以日甚官引所以難銷也且查淮南諸商半
取給於安豐等五場而淮北止在板浦等一二場其餘
各場之鹽無人買補勢必盡售於私杜私之法宜自此
起應令三分司轉飭各場建立公垣場官專司啟閉凡
竈丁煎鹽責令總催報數堆儲垣中以待商人交易其

寫遠各場令大使查明鹽數督催各竈運於附近場所如安豐等場亦堆垣候易凡在垣以外者卽以私鹽論罪至各商領引赴場所有限單必投分司掛號填定某場買鹽卽入垣中公買照引捆完場官驗明商名引數註定日月照引放出無引不許私放查檢包數與引相符分駁幾船開報分司該分司每一駁船另給引票內填某場船戶某人駁裝某商人名下某場鹽若干應到某壩將小票投交印官彙收按季繳查儻有夾帶或經捉獲或臨掣稱出卽照限單根究壩官場官並分司一併入以徇縱之罪審實題參其商人依律治罪銃引沒

鹽

嘉慶四年十一月鹽政書魯批准運司曾煥詳據海州分司勘詳中正場額收鹽四萬四千餘併引自乾隆三十四年撥出五千五百併引加入臨興場以來歷今三十載灘高海遠荒池日多滷氣淡薄歷綱差不足額臨興場坐落海西滷厚產豐每年僅收鹽二萬一千一百七十併引請於中正額內再撥出九千併引加入臨興計中正每年應收鹽三萬二百七十一併引臨興應收鹽三萬一百七十併引再臨興場鹽多垣少中正場又撥出多引應將中正久經閉歇之九垣裁歸臨興場之唐

生口等三疇督商移建以敷收儲

嘉慶十一年十二月運司曾煥詳奏分司所屬各場向爲
產鹽最多之地本年水災新興廟灣及丁草劉伍等場
產鹽最少垣商多有逃散究其蹤迹則多因本場不能
收鹽聞安豐一場產鹽較旺盡趨安豐私自附垣矣迨
本司查及安豐鹽價則每引竟需五兩七八錢之多殊
堪駭異復加推求其故皆因安豐垣商既多各商私自
增價搶買層遞而加鄰場竈戶見安豐鹽價高昂遂有
將煎出之鹽暗中運赴該場越賣併有將蓄滷偷賣與
該場煎丁者以致運商成本因之加重請運不前是欲

平鹽價必先禁搶買而欲禁搶買惟有整輪一法則不禁而自止本司再三籌酌仍請循照乾隆十年之案按垣輪派收買查照上綱所行之數每輪令其先收百分之一挨次輪買周而復始仍於該場各垣商內選擇司事輪派到關查照火伏聯票驗派分收如有派收不公各垣卽稟場詳究如此立法收買則進關之鹽俱有一定應買之商而應買之商亦有派定鹽數場商既無從搶收竈戶亦可踊躍趕運矣再查東臺何垛梁垛富安四場均與安豐接壤應請一律照辦又通分司所屬之掘港柘茶呂四三場風聞亦有加價搶收之弊以致鹽

價日昂並請照此辦理經鹽政額勒布批允

嘉慶十六年八月運司廖寅札案照各場產鹽以盤鐵煎
燒鹽池攤曬核定額產各竈煎曬之鹽盡歸商垣收買
不容透漏近來各營縣稟報拏獲私鹽每起動千累萬
若非場竈透漏奸徒從何興販是欲禁私販必須究其
來歷該分司場員專司場竈平日豈無聞見何以並不
嚴切查拏仰卽查明各場亭垣盤鐵若干額產鹽若干
引應如何立法查拏不致絲毫透漏使梟徒絕迹產鹽
盡歸商垣之處卽日悉心確查妥議詳候察奪

道光元年十一月鹽政延豐奏目前根本之計亟當恤竈

培垣以爲利運裕銷之地見在飭令淮南官商查明停歇各垣勒限一月押令開垣補收逾限不遵令籤妥商接開其有實在無力收鹽者准其自行覓售或租典殷商接辦此後務照額產儘數收買其有運商欠找垣商尾課者分別欠期遠近立限全數找清並令嗣後運商隨時付價捆鹽不得少有挂欠以資垣商從容收買如此立定章程既可責垣按額收鹽即可責竈按時煎息嚴飭通泰分司場員清查各場盤鏃力行火伏舊章甄別頭長勤惰分別革責勸懲一面另選殷實老成之人由垣商結保充補責令居住各場適中之地協同巡役

兩淮鹽法司卷三十一
一六
實力稽查火伏如有情煎漏私之丁立即稟場稽比究辦場員查辦不力責成各分司嚴定功過核實懲勸務使各知警畏可期漸復成法奉

旨依議欽此

道光十一年七月運司俞德淵詳據淮南商人黃濼泰等稟稱本年被水災區較廣各岸回課不充以致存堆之鹽無課應納日久不能請重加以上游湖河異常盛漲下注之水勢若建瓴通泰兩屬場垣被災最爲切近所有各場存垣之鹽在在均關商運成本大憲整飭新章輕本利運無不亟思踊躍奮勉況見值新殘趕運殘鹽

銷售易竣新鹽慮致儲備不充加以本年回空軍船更奉督鹽憲奏明嚴禁於私鹽未經上載之先竊計冬春勢必脫鹽濟售此又各大憲垂厯民食所不得不先事預籌者也惟此時回課不充徒致堆鹽不能發運各商日切籌維如俟各岸售課陸續回揚應納誠慮西水下注各場存堆之鹽僅恃加築埂圩難資保護則此項存垣堆鹽卽恐未能一律保全濟運合無仰懇俯予成例稍示變通准先納完請單正項四錢三分六釐卽准由運司衙門核發護照下場支鹽配運邇時趕重出場一俟鹽運到橋找納請單全欸商力旣紓鹽皆出運仍俟

呈加全完照例發梳水開行如此一轉移閒於垣鹽成本既獲保全而於儲岸鹽斤亦不無多爲運濟事屬兩全如沐恩准卽請於本年七月初三日卯期爲始等情本司查該商所稟係爲保護垣鹽免被沖淹以儲岸食起見見當河湖異常漲漫水之建瓴下注甚爲可慮自應權宜辦理應請俯如所請以防不虞而速課運請照議先完納請單正項四錢三分六釐卽給發護照赴場重鹽鹽運到橋找納請單全款呈繳硃單於到儀時完清呈加各項錢糧再行給發梳水開行似此稍爲變通錢糧並不致虛懸而岸食得資儲備實於運務有濟經

鹽政陶澍批允

咸豐三年十一月戶部議覆兩江總督怡良奏請淮南就場徵課一摺據稱泰州東臺興化鹽城阜甯通州如皋七州縣向無行銷額引例准就竈買食零鹽今擬課歸場徵若不稍立禁防難保姦民不借端影射積囤濟私應將近場食鹽改歸就垣撥買俾竈產之鹽顆粒歸垣庶奸販無從影射等語應准將近場食鹽改歸就垣撥買俾竈產歸垣以杜積囤濟私之弊

互見就場徵課

咸豐七年五月署運司郭沛霖據泰州知州等會稟各場堆鹽不准顆粒在場發販以免跌價侵銷透漏之弊至

場商售賣堆鹽後飭令該商陸續收買竈鹽完堆源源
轉輸以濟後運等情署司查堆鹽在場發販弊竇滋多
今運棧銷售便於稽查至竈戶有煎無收是以透私今
場商售出鹽價接收竈鹽可以濟竈杜私其收買完堆
一層應責成該分司督飭該場大使專管如查有堆鹽
賣空並不歸補者即將該大使揭參責令賠補足數

互見

棧奏

同治三年四月鹽政曾國藩札行海分司照得場垣爲鹽
務根本必須儘產儘收庶摠運源源無虞缺乏淮北自
銷路梗阻官引不行池商收數漸少池丁鬻私遂多以

致歷年缺產場務廢弛刻下章程已定輕本利運商販
請運自必踴躍收鹽尤爲當務之急該分司遵照督飭
三場大使嚴督各商廣措資本修改鹽池趕收場鹽備
捆多多益善儻仍泄沓從事仍前缺產誤收定惟各該
場是問

同治三年九月署海分司運判沈炳稟卑職詳送同治二
年分三場產鹽考核冊摺印結緣由奉運司批開查考
核一案奉督鹽憲批示以循例具題事件前經本部堂
奏明暫行展緩所有同治二年以前考核姑准一律免
辦造報惟見在淮南江路暢通業經本部堂核定新章

淮北苗逆伏誅淮湖無阻不日亦當大加整頓廣收場
鹽爲目前最要之策仰該署司通飭二十三場先將各
垣存鹽截至本年年底止盤查實數專案具報作爲舊
管自同治三年正月初一日起淮南照七年清查額產
淮北仍照舊定額產嚴定考核以垣鹽收數之多寡察
場員稽煎之勤惰不准顆粒虛報亦不准循例聲請免
議務須嚴督各場振刷精神實力經理湖廣鐵炭已可
購買並須嚴飭鐵商源源鼓鑄將鐵鑊隨時買補其亭
場池面一律設法修整儻有不知振作仍前缺額誤收
立予撤參本部堂寬其既往正所以策其將來三分司

均有督產之責不得任聽泄沓從事由司轉飭據兼理
板浦場大使烏沙河巡檢杜保恩稟稱查淮北改票後
卑場設太平西臨兩局照四十六萬引票額每綱派太
平十九萬四千五百二十六引派西臨五萬七千三百
引共二十五萬一千八百二十六引向來照舊定額產
十七萬四千六百七十五引計數考核至同治二年十
二月止卑場舊存鹽六萬六千五百九十六引四分八
釐七毫五絲自本年正月初一日起截至七月下旬止
共收鹽十七萬四千七百三十二引二分六釐二毫五
絲照本年考核全額已屬有溢無缺第本年五月初八

日以前卑場已捆票鹽連漕捐共十二萬餘引除上年舊存計本年新收已有三分零歸入開辦己未新綱之前奉飭另案造報數內捆去自五月初八日起截至七月下旬止己未綱出場鹽九萬四千八百引除捆實存鹽二萬五千八百二十七引淮北每年旺場全在四五兩月本年自春入夏陰雨連綿加以西臨及太平下戶久未派捆池面荒廢者多本年蒙憲台設法招徠甫得稍有修復卑職先委稽埽後兼場篆周歷各垣實力督曬凡有堆積池頭之鹽無不嚴督歸廩總計收數雖不至有缺而除捆見存實屬無多雖己未綱扣至明年五

月初七日始行造報已屆旺產之期自能依限運足而今年九十十一十二等月及明年正二兩月曬埽不旺人力難施之際或恐難以接續應捆是則卑職竭力督埽之餘不能不躊躇顧慮者耳又據中正場大使魏源稟稱卑職查淮北改行票鹽招商移鋪設立中富兩曠照四十六萬引票額每綱派鹽八萬八千九百六十引向來照三十一萬引折派額產六萬一千七百餘引計數考核至同治二年年底止卑場舊存鹽二萬六千三百八十七引自本年正月初一日起截至七月下旬止共收鹽六萬六千一百八十六引照本年考核全額已

屬有溢無缺第本年五月初八日以前係另案造報卑
場已捆票鹽連漕捐共三萬六千九百九引五分照六
萬一千七百餘引十分計較已捆去一分七釐自五月
初八日開辦己未新綱起至七月下旬止己未綱出場
鹽四萬三千六百九十引除捆實存鹽一萬一千九百
七十三引五分除上年舊存計本年新收已屬有盈無
絀查淮北旺產全在四五兩月且本年自春徂夏陰雨
靡常閒有累商甫經陸續開收卑職周歷各垣督飭各
商實力曬埽儘數歸垣無許顆粒透漏總期收數不致
有缺惟查今年自九月以後至明年正二等月曬埽不

旺非人力所能施垣內所存無幾西壩秋後旺銷恐難以接續應運是以卑職有督埽之責不得不先爲稟陳也由司轉稟鹽政曾國藩批仰卽嚴督各該場實力稽埽源源濟運不准藉詞推諉至產鹽考核仍應遵照前批自本年正月初一日起截至年底止計算溢缺方與淮南二十場一律與開綱日期不相干涉毋稍舛錯

光緒二年閏五月鹽政沈葆楨札前江西糧道段起瓜棧委員龐際雲照得鹽務以場鹽爲根本根本不清則枝節橫生散而無紀是以各場產數之虛實關係各岸銷數之盈絀舊章每場每垣所收之鹽場官按旬摺報立

法本善自淮南立憑堆派引章程各場商希派引之多
遂有虛堆情弊其始不過多報一二成近則銷愈滯而
報愈虛報愈虛而私愈熾分司場員明知其故或徇於
情之不可卻或迫於勢之無可如何日久因循積重難
返夫亭鏹只有此數溢額從何而來私鹽漏卮日異月
新場垣何由遞積各岸同聲苦涵耗之重何以絕不見
老堆之鹽一任魚目混珠自愛之場員以務實而膺下
考守法之垣戶以安分而致吃虧皁白全無勸懲奚在
且竈丁藉口於場商缺本非漏私無以救死上色盡歸
臬販官引全運低鹽爲鄰封毆爵毆魚票商場商均受

其殃鹽務何堪設想本部堂既有所聞亟宜特派大員
前赴通泰兩屬清查鹽堆以除積弊目前溢額各場虛
報固屬不少卽缺額場分所報亦未必盡實此弊不始
於今日本部堂不咎既往專策將來場官場商皆無所
用其掩飾虛者准自行檢舉立予扣除一無所問實者
責成場商具結場官加結候委員到場逐垣逐堆澈底
清查如有和泥屬沙裝做假堆該道等卽指名飛稟場
員從重參處場商加等嚴懲該道其破除情面言出法
隨勿以嫗煦之仁代受欺蒙之咎除札淮運司通飭二
十場遵照外特札該道等立卽選保可靠委員帶赴各

場按場清查仍由該道等赴垣親盤不准顆粒虛捏查
清後即將各垣實存鹽數開摺稟報以後派引仍照產
額不以所報之堆爲據在場配運務令清一堆再換一
堆以放代盤俾老鹽不積於無用之地而各岸水販亦
不以滷耗過重爲辭至小商埽數給重如有分明取巧
之弊亦當更定章程以昭公允該道等川資及委員薪
水等項統由儀棧閒款項下籌備再廟灣一場間有曬
鹽是否較煎鹽質潔而成本輕並卽詳細查明覆核
旋經段起龐際雲稟稱職道遵於閏月初六日抵石港
場次日督同印委齊赴石港包垣同時登岸眼同丈量

查有歇業商人曹姓之老堆一垣鹽尙乾潔官收之新堆次之是日人手尙生加意講求初八日直抵金沙場包垣卽登岸查驗係官收新鹽令先將蘆席撤去靠鹽丈量復行過桶照摺報鹽數微有短缺查畢卽日開行初九日抵餘西包垣查有老大堆三新大堆一又小堆一如法丈量過桶老堆鹽色最爲乾潔年久滷盡缺數較多與場官見在摺開尙屬相符初十日抵餘東場查該場包垣舊分東西相去二十里先查西垣鹽色微青滷耗過重有一小堆直同和鹽卽行扣除丈查後卽赴東垣本垣二商亦自分東西鹽二堆色較潔東共三

堆其最東之大堆鹽色尤好滴耗亦較輕另有已故商人何姓存倉小堆鹽色低次應入另案辦理是日夜行數十里十一日抵呂四場包垣查看鹽色甚白而新鹽滴耗在所不免停重六箇月過夏滴去當爲上品丈查後核與場官摺開實數亦尙相符南場查竣十三日抵掘港鹽垣查存鹽六十七堆各商有老堆者有無老堆者有背則老堆面則新堆者按其地勢前面重鹽收鹽較便遂於重鹽後又加新鹽尙在情理之中四面籤試老堆堅不能入其冒充老堆者籤入甚銳萬難假託其可疑者卽行過桶北四場鹽數較多遂將委員親兵作

爲三班分投丈量掘港尖鹽儘有佳者以洪吉興第一
老堆爲最各垣碱片亦尙好惟和鹽太低已飭令加意
整頓該場王大使原算甚謹此次逐堆覆丈溢數尙多
十五日抵豐利鹽垣計鹽八堆慶長春第一老堆最爲
乾潔第三堆北面老而南面新第四堆乃碱片豐利久
無碱片該商稱係積年人物第五六堆腳鹽黑次卽行
扣除和春煎尖鹽一大堆色尙好小堆乃碱片已令該
商將土篩盡歸入碱片似可銷售豐利場鹽色本佳曾
充眞梁但能善爲經理是上中場分是日查竣出岔河
西行十六日晚抵角斜鹽垣查甸報存垣四十八萬餘

桶今結報二十一萬六百十一桶計一百六十九堆次
早登岸履勘各堆酒流四溢尖鹽尙好和鹽低次分班
丈量抽堆過桶月夜唱籌達旦未休趁此爽氣尙好作
事是日見牛車數十輛載鹽甚多色少青而潔復親至
竈下見鹽色甚好詢之垣中何以有和鹽則皆由商人
之不善經理也次日查竣卽開行至耕茶鹽垣該垣報
存老堆二十一新堆二十四鹽色中平分丈已畢十九
日至李堡鹽垣乃耕茶分場也報老堆二十二新堆十
四履勘各堆鹽色不齊逐加丈量數目均尙有缺以旬
報考之耕茶連同李堡原報四十二萬餘桶今結報十

二萬六千九百八十一桶覆文尙有未符是日垣中牛車小車肩挑之鹽雲集其色又遜於角斜然尙無黑鹽有碱片一車細碎夾雜已飭商人揀選細篩未知能照辦否統計通屬九場以五月中旬截止實存堆鹽六十六萬三千二百八十八桶擬將此項截存實數作爲清查舊管嗣後新收所積卽爲續收舊管先儘清查舊管老堆新堆以次重出再按照額產重續收舊管之鹽如此則所重皆老堆當可色潔瀟輕仍令各場員飭商按照額產力爲收鹽以防透私而顧考成職道等已札飭通分司陳倅先行分清眉目仍候批示祇遵再各場過桶

從無弊竇惟角斜場吳新茂垣租商方彥卿始則不遵
盤量繼則舞弊取巧情形可惡可否將該場鹽停重六
箇月之處恭候鈞裁如蒙俯允仍責成該場員轉飭該
商照常收鹽以爲狡玩者戒十九日通屬九場查竣仍
折回泰州改舟赴下河清查泰屬緣海安過壩無水不
能就近登舟復聞下河水淺擬至東臺後再行定議經
鹽政沈葆楨批該道等督率各委員冒暑清盤不遺餘
力深爲佩慰北四場虛報尤多枘茶竟不及三折各垣
均寬其既往已屬格外原宥乃角斜場商方彥卿膽敢
不遵盤量舞弊取巧可惡已極卽照所議停重六箇月

以示懲懲所議以此次截存實數作爲清查舊管先行
以次重出再重續收之鹽一節甚屬妥協仰候札飭運
司轉飭總局分司遵照辦理

光緒二年六月前江西糧道段起等稟職道等先赴通屬
九場清查鹽堆業經稟報在案裏下河四甸不雨河道
淺涸職道等至西溪登陸逕赴東臺就近先查東臺何
垛兩場東臺大致尙平已有分花名不能分堆之病何
垛則弊端百出清丈之後將場官冊結與甸報比對有
花名不符者有四五花名鹽皆合堆者有甸報花名各
分此時似一似二互相通挪者甚至甸報存鹽萬餘桶

及千餘桶此時巧爲牽扯竟似顆粒無存且曾借有公款銀兩者職道際雲已飛函儀棧委員令將借有公款存堆無鹽之商勒追公款如不能交即將棧中存鹽扣售其各商迹近取巧者已於此次清摺內分晰開列恭請憲臺鑒察至東何兩場鹽色最次牌價亦最低而於肆中見男婦擔頭和鹽並不甚壞擬事竣後親至竈下求其所以低次之故人皆謂地氣使然恐亦不盡然也職道等自南行而北先至富安場該場四垣曰蘇同春曰汪德泰曰崔同懋曰羅勤茂其租商則裕公記有十花名與東臺何垞相等從前收鹽官收居其大半局收

次之此外租商無幾而鹽色則以崔同懋垣租商寶興
祥尖鹽爲第一裕公記內史泰記等三名一堆次之四
垣共二十三堆結報四萬七千三十二桶清丈時尙有
不符北至安豐場該場間多習於生意之商場官結報
存鹽二十三萬八千六百五十七桶共二百六十八堆
甚爲畸零而公事甚爲清楚該場本係頂梁和鹽有甚
低者亦有甚佳者如少提尖和鹽亦可利銷市再北行
至梁塚場鹽一大堆一中堆其中堆較老鹽色頗潔該
場結報存鹽五千四百四十九桶清丈尙缺三百餘桶
鹽垣皆源昌興花名承辦其源昌興恆記租辦四垣合

堆尙在情理之中與一商分作多名者似不同也南場
查竣北行至丁溪場其正場曰沈竈併場曰小海沈竈
鹽二十九堆僉以儲鼎裕七年之堆爲最老而陸同春
自去年七月閒始報開收鹽三堆報老堆者二衆商爲
之不服職道等面諭各商公同集議以七年內爲極老
四年內爲次老兩年之內卽爲新堆令其畫分具報各
堆一律飭遵俟報到後與清查暗記再比校核辦十八
里至小海垣鹽九十堆清丈後指定極老次老新堆令
蕭分司監視過桶復以斤重考之七年四年判然各殊
蓋年久則滷盡質重理固然也雖小海冊內有裕源同

裕二花名旬報所無詢之該場大使稱五月初二日由
場具詳卽報十一日開收甚爲詫異聞近來此弊甚多
必須痛爲革除況於職道等清查時亟爲列入尤屬可
惡已將兩花名扣除矣又行十八里至草堰場之西墮
垣夾河兩岸鹽多地窄櫛比林立編號列堆最爲清楚
公事亦極整齊秦屬鹽色自南而北至於丁谿色較好
草堰更勝於丁谿博采輿論草堰章程素爲第一曾令
各場做行之病未能也又行至劉莊大團鹽係官收均
屬和鹽色尙勻潔結報一萬四千六百一桶今清丈實
存一萬四千二百十五桶取道逕北先至廟灣之鮑家

墩乃鹽垣所在結報存鹽官收三萬三千七百五十五桶商垣二萬四千三百二十二桶今清查實共存五萬四千七百九十六桶北行以來酷陽在地海風逼人至此尤烈瘧疾腹疾上下同之折而南行抵新興場之上岡鹽色爲北六場之冠該場曾與廟灣同充眞梁而此又過之清丈後至北洋乃新興分場也其色次於上岡逐細查丈該場結報共存鹽三十七萬一千七百五十七桶今清查實存三十九萬六千六百六十九桶渡河三里至南洋乃伍祐之分場伍祐向以南洋之鹽爲最好今較之不及上岡遠甚南至伍祐正倉便倉均陸續

查丈過桶統計伍祐三處結報存鹽六十一萬三千二百九十九桶今清查實存五十四萬二千九百八十四桶該場產多而色不甚高由來久矣查新興場有三垣四附商而堆係一花名者伍祐有極黑之鹽五堆久無商人者並有顆粒無存借有公款者職道際雲已飭棧員勒追北場查竣卽由白駒南下直達距東臺二十八里科家堡舟次將各場清查數目確爲鈎稽因花名過多分開二摺稟請批示祇遵職道等卽回省銷差面請訓示至廟灣近海灘地能否曬鹽履勘博諮似關大局另行稟呈泰屬十一場串場河水均涸不能出鹽考生

無所施其技惟伍祐草堰尙有通河水路已飭印委各員加意稽查沿途不惟無江廣船隻卽數百石之船亦不能入今年考私似尙易辦此次清查各垣紛紛填堆鹽皆入垣職道等復不時赴電眾皆傳爲查竈遂更斂迹合附稟聞經鹽政沈葆楨批泰屬南五場北六場均經該道清查完竣丁谿之小海竟有未奉詳准之垣而卽報開收實屬取巧業將兩花名扣除所辦甚是其縱容作弊之場員候札飭運司從寬先記大過二次至稱近來此弊甚多究尙有何場何垣亦如此舞弊應再據實稟辦通泰兩屬何場老堆應先提重以抵餘呂月運

之數其不能分堆及顆粒無存者應如何分別歸併示
懲前已批令妥議仰卽查照前次批示一併悉心議覆
察奪

光緒二年六月前江西糧道段起等稟職道等周歷通泰
二十場共存堆鹽二百九十六萬七千四百一桶加以
在途在棧約有八十餘萬引當此淮南疲敝之時成法
盡爲具文綱紀不無廢墮况引地正當議復則運老堆
以重鹽色爲此日之要圖而竈鹽不能停收則准借運
以勸新商又此時之急務此八十餘萬引之鹽以目前
銷數計之非兩年不能售竣挾賞者明知新收鹽堆非

兩年後不能派運誰肯以巨萬之資虛爲占擱收鹽不力透私必多不能不設法維繫謹議八條伏乞採擇一變通老堆以勸新收也一亭竈宜認真清查也一鐵廠宜卽停鑄也一產額宜核實公定也一少提尖以重鹽色也一桶樣宜請額發也一場分宜酌量添裁也一規復楚岸仍先認完川釐也經鹽政沈葆楨批第一條變通老堆第二條清查亭竈皆係目前切要之務將來亭竈查清卽由本部堂刊頒執照以資信守第三條煎鐵過多最易透私候卽札司先行停鑄一面由棧派員前赴鐵廠查明已鑄若干概行封儲各場舊鐵如有廢損

必須循照定制呈繳繳臍始准頒發新繳第四條憑額派引誠如來稟小場產少額多必致占引大場產多額少未免向隅見在已據該道等另稟請照清查實數分別老場新堆辦理以後擬爲三聯簿扇發給場竈稽考實收之數應卽會司通飭照辦並飭各場員嗣後不准再有顆粒虛報如果將來再派大員往查仍前弊混定予嚴辦不能如今日之寬其既往也第五條提尖分數向有定章應卽由棧嚴加稽核儻有低次分別遞降第六條所請樣桶候札工程局製造較准解赴該棧轉發應用第七條裁添場缺事較繁重於徵收折價有無窒

下州縣志卷三十一
礙應再會司悉心妥議第八條規復楚岸擬先認完川
釐持論卓絕惟淮釐每引六兩三錢有奇業於分界案
內減去一兩二錢矣

光緒二年六月前江西糧道段起等稟前奉憲札以廟灣
瀕海地方是否可以曬鹽成本果輕委職道等議覆等
因職道遂在於廟灣場清查鹽堆之便至大淤尖一帶
細加採訪其地係葦蕩右營所轄跨黃河南北兩岸南
岸附近廟灣有灘地一區南至阜甯之雙洋港北至大
淤尖東至絲網濱漫灘港等處海口縱橫約四五十里
地皆斥鹵潮退後灘面閃段浮有白光土人云可以試

曬成鹽詢其有無私曬僉以爲無或云北岸滷厚確可
曬鹽南岸則非雇淮北老池丁度地試滷不能爲憑並
詢之該處董事喻廷俊等說亦相同土人皆樂於開辦
惟其地如果可鋪池曬鹽所產必豐見在場鹽正患其
多若於二十場外再增一廣產之地竊恐利源既開不
可復止如官銷未暢透私必多似於淮南大局攸關請
俟引地規復銷市大暢再行籌議經鹽政沈葆楨批允
光緒二年六月江蘇候補道杜文瀾條陳補救事宜一派
銷應憑舊額也查近來派銷悉照所報收鹽之數致有
虛捏諸弊惟有以同治五年丁升司復查通泰分司稟

定增額爲准第一年照所定之額派引給照第二年查明上年收數缺者扣額溢者酌增以三年爲比較使各場不致情收亦不敢虛報至派額之時須示以自何月爲始見收之鹽歸額派引其以前存堆之鹽酌分幾成配運以保前本而顧轉輸查各場有租辦者有自辦者皆係垣主包收包重令其先儘老唯發重以新堆抵數進出統於垣主新舊自可通融再責成場官以放代盤不准重新收之鹽以免耗多爲各岸藉口至各場所產有全尖有全和有尖和碱三色宜預核確數以真尖派湘鄂以和鹽派西皖毋庸爭競所有從前呂四餘東之

儘收儘重者東臺何垛之全和加派者江甯儀徵之自
運本場者江甘五岸泰興之自賣扣價者各名目皆易
弊混一併革除江甘五岸泰興之鹽應令場商運送泰
壩交斤不准剋扣牌價以示大公一場商應加調劑也
場下竈本堆鹽占攔成本至七八百萬串商力實已疲
極今見運商得利較厚誠屬苦樂不均宜其疊有呼籲
同治六年曾文正公體念艱苦飭令運商預繳五成鹽
價又發水師生息銀兩以資接濟無如運商於開綱後
探明銷市暢旺始行投咨請運所繳五成鹽價存於淮
南總局又須積有成數始行榜發其中輾轉遲攔不無

滋弊場商受惠甚難擬請飭令運商於開江時預繳下
綱鹽價五成存於儀棧或派專員司之以三成先發場
商扣二成俟交鹽後找發在運商早繳數月所損銀利
無幾而場商得此即可自行布置得免挪借時受重利
盤剝之累稍有餘力亦可講求鹽色多收多堆獲利非
淺經鹽政沈葆楨批飭司道會議嗣經段起龐際雲議
復據稱派銷憑額以同治五年增額爲准一條查當年
丁前司增額並未細查似尙未甚公允見辦之額亦照
五年所增爲減似應清查亭繳後持平定額永遠遵守
又據稱運商預繳下綱鹽價五成一條查見在運商不

遵定章本綱之鹽尙不肯及早投咨繳價今令預繳下
綱五成未知能否遵照見擬申明舊章查明督銷局給
咨日期如逾限不繳卽照章註銷庶可懲一儆百

光緒四年二月運司歐陽正墉等申據淮南總局金運判
筠等稟稱各場垣鹽自上年清查以後奉飭分別存堆
年分定爲極老次老新鹽三項次第開重以癸酉年以
前所收爲極老癸甲兩年所收爲次老乙丙兩年所收
爲新鹽嗣又奉文挨年遞重不得屢越卽就年分核計
四年以上爲極老兩年以上爲次老兩年以內爲新鹽
卑局遵經照案辦理並無紊亂茲查本年春單應發重

照轉瞬屆期惟場鹽距清查時已越兩年是乙亥年以前之鹽應升爲極老乙丙兩年所收之鹽應升爲次老若仍循極次新名目發重轉覺混淆不清且開爭執之門卑職等悉心酌議擬請嗣後卽以年分爲主發給重照均應按年遞推挨次開重其原查年分毘連者准其併年挨運見查癸酉以前極老尖鹽及癸甲兩年次老均已掃數給重其和鹽重照發至壬申年堆鹽爲止癸甲兩年所收尙未給照本年春單重照應查明乙丙尖鹽癸甲和鹽分別發重擬於重照上加蓋年分戳記尖鹽用乙丙老堆四字和鹽用癸甲老堆四字俟每年之

鹽重竣遞用某年字樣毋庸再以極老次老鹽加註以昭核實而杜爭競由司棧轉申經鹽政沈葆楨批允

光緒四年十二月運司歐陽正墉詳奉批發枰茶場商吉泰昌稟老堆無著捧呈切結叩恩作主以全商本等情奉批清查餘鹽經運司批定以三成爲限自是正辦該商初則報溢甚鉅迨經駁查始以剔除糜腳爲辭已多掩飾三成以內之四百餘引業經給重其三成以外之鹽概不給照既有定章何能爲該商一人自亂其例復經運司飭據分司另籌出路議令新商給價作收可謂體恤周至乃該商膠執已見任意妄爭猶曰商人重利

是市僧之慣技耳今見總局批內有詳院字樣輒卽來
轅遞稟爲先發制人之計居心尤不可問如此刁狡之
商儘將餘鹽封誌不足示懲應如何議罰之處仰淮運
司從嚴詳辦以爲不遵功令者戒等因本司查光緒三
年三月閒據總局委員金運判等稟稱嗣後通泰極次
尖鹽極老和鹽報溢之案其溢數請以清查時盤量之
數爲主凡在三成以內者准其給照等情當經咨明儀
棧並分飭遵照嗣於十一月據總局稟據柃茶場吳署
大使稟報吉泰昌極老溢尖鹽二千八百九十桶別選
多餘根腳實溢一千六百六十八桶一分八釐計四百

八十七引合原盤堆鹽二五折有零星呈請給照當經批
准並查多餘根腳之鹽恐滋透漏批飭局員并飭通分
司查議該商吉泰昌以初詳定章未聞有三成之限等
詞稟請給照本司以該商報溢時具此深心所報恐有
弊捏且透私等弊防範宜嚴遂飭通分司將吉泰昌溢
外存鹽飭場封誌以絕流弊照章不准重運之鹽封誌
初非苛刻今該商稟奉前因伏查溢鹽三成以外概不
給照凡報溢之案均係畫一辦理獨該商梗令妄爭直
欲紊定章而快私欲自應議罰以示懲儆擬請將飭場
封誌吉泰昌堆鹽二百七引計七百四十六桶悉數

充公以絕覬覦之心而爲不遵功令者戒經鹽政沈葆楨批如詳辨理

光緒五年正月泰分司許寶書稟查卑屬各場續收鹽數項下丈量相符者居多閒有短數者不致如從前之甚場員垣商均求冀邀免議卑職恐其相沿成習似應量予懲戒以免將來效尤謹擬凡尖鹽和鹽少數在一千桶以上者罰停派重照一次二千桶以上者罰停二次又碱鹽少數在三百桶以上者罰停派重照一次一千桶以上者罰停二次無論尖和碱鹽少數均以停罰二次爲限至於該管場官應以通場原存鹽數核計如所

少在一成以內者擬請免議惟安豐場所少堆鹽雖未
出一成以外且尙係承前任場官沈大使任內原少所
致經周署大使彌補之外尙少一萬一千餘桶第周大
使當時不爲據實稟報亦有未合應請將見署場員周
鵬記過一次卑職又恐上屆清查堆鹽存數影射弊混
是以一律查丈茲查出丁溪場附商慶恆祥堆鹽照旬
報應存尖鹽八千七十九桶零今祇查出三千六百三
桶有奇計短少四千四百七十六桶該商又應存和鹽
二千五百十四桶零短少一千三百七十一桶又查出
草堰場附商晉豐益旬報存數短少尖鹽一千六百一

桶今擬請將附商慶恆祥罰停派重照二次晉豐益罰
停一次丁溪場大使孫泰記大過一次草堰場大使黎
華翥記過一次以昭警戒其餘清查堆鹽均屬相符又
查得安豐場附商協和成尖鹽九百七十餘桶鹽色黑
次應降爲和鹽經鹽政沈葆楨批場鹽自清查後不准
再有虛報三令五申案已成帙且上年准將缺產場分
通融彌補凡寬其既往無非策其將來商人惟利是圖
法已難恕該場員等皆

朝廷命官應知自愛非中有可欲何至一任垣商虛報視
國法若弁髦安豐場既不據實稟報諉爲前任原少毫

不足信僅予記過不足蔽辜應將安豐場大使周鵬丁
溪場大使孫泰草堰場大使黎華翥一併奏參革職以
示懲儆其查丈相符場分由司詳請將該場官各記大
功一次各垣商故智復萌無非貪派重照所議分別罰
停俸昭炯戒以後更須一一相符不得援一成爲例安
豐丁溪兩缺仰淮運司刻日遴委賢員前往署理具報
光緒五年三月通分司張元愷稟此次赴北四場查丈垣
鹽見各場存堆鹽色較丙子夏閒隨同段道等盤查之
時格外潔白商人知挨年重運章程確不移動自知講
求是以有此成效惟鹽堆因垣地逼窄有丙丁並堆者

有丁戊並堆者在商人原無含混取巧之心但既有分
年發重章程自應分年堆儲使之截然分清垣地所以
不敷堆儲之故由於垣名商名太多占高不占寬地自
綽然有餘見已面諭場員商人自本年爲始必須按年
分堆不准連併已併之堆一經分盤不特重鹽之地施
展不開且鹽經重盤卽須折耗商本攸關未便失之太
苛卑職將並堆之鹽前後分取細爲團捏丙丁之鹽並
無區別戊年已經霉伏之鹽與丁年比較不過略有堅
鬆之別乾則一律惟戊年未經霉伏之鹽與夏前所收
者老嫩迥然不同且久握覺其質冷其爲滷未行盡可

知卑職已嚴飭各場大使於重鹽時親自赴垣督捆遇
丙丁並堆之鹽在廩後開重由後而前不准由前而後
以期名實相副至垣多商多一層角斜爲尤甚從前祇
有八垣見增至三十三垣其實花名者居多此非一時
所能歸併已飭場員各就情形設法勸併如能併爲十
垣或十二垣不特於分年堆鹽不至爲難卽垣窳之弊
整頓亦較易爲力又查商人租辦場垣呈驗資本例由
分司親驗發回嗣以各場地距石港遠近不同見錢轉
般不易改爲派員點驗事屬具文轉增商累查新商是
否殷實有場員深知而分司不知者斷無分司深知而

附錄卷之三十一
場員不知者且查見定按運章程新商既來租辦場垣
極少以三年爲期收鹽之本祇須陸續籌運亦不能憑
見在所驗之資卽信爲確是殷商總之其人既來租垣
收鹽身家底蘊自有公議場員刻與垣商場商接見其
聞見自較分司爲確自應責成場員經理無庸派員驗
視以刪無益之繁果枱茶新有兩案卑職已批飭場員
照辦擬卽稟陳運司立案遵行枱角掘所收重淋之鹽
卑職分別細驗掘港所收鹽質太嫩滷耗太重運商江
船未必肯訂買該場滷耗之重冠於二十場且所產和
鹽爲數極微似可不必強其再辦枱角兩場重淋鹽色

極爲潔白惟收數尙不足百引卑職詰以何以如此疲
玩該大使等與各場商皆言竈戶不樂試辦迫之急往
往以樓鹽代之樓鹽者於煎鹽火候極足時鏹心之鹽
高起成樓當時取出其色晶潔無異重淋一經堆儲耗
去過半當其到垣之時頗難辨別商人因此亦復畏難
卑職又詰以何以東臺何塚能辦數千引之多商人云
全和場分與尖和並產者不同而枘角爲尤難緣何塚
商人買鹽桶價向來畫一重淋鹽桶價加增竈戶辦重
淋較尋常八垣之鹽每桶實可增價一百文是以樂於
煎辦且和鹽場分所辦重淋與本來之鹽判然不同一

望而知非如尖和兼產之場有尖相混也枳角桶價亦有定章商人因竈戶買草艱於泰屬成本增重意存恤竈每於定章之外暗有所增又以枳角竈地與泰屬之安富犬牙相錯處處可通非格外恤竈難免透至鄰場十數年來增價收鹽遂成積習商人之不計成本非得已也竈戶辦尋常之鹽得價已較定章爲優重淋之加價不足以動之而又有樓鹽尖鹽之足以混淆也是以勸辦較東何爲難卑職論以所言情形未嘗不是但凡事總從艱難中來其不能成者皆力之未至也當卽嚴諭各場員商人限四月以前必須將重淋鹽辦有成數

以備抵真之用又查西岸屢有加運碱片之議卑職前
在總局奉司棧疊飭籌議當以通泰兩屬議增之三釐
能否作爲實數尙不可必未敢遽議增運請自本年春
產後考核碱片實收之數再行議加因思擴充碱片亦
是目前急務果能增產拓銷於場岸均大有裨益行抵
角斜因該處滷氣最好與許署大使熟商訪覓老年竈
戶與之討究復參以卑職所得川中熬巴塊之法總不
外乎加工凝滷試煎之法俟一鐵煎成後將散鹽取出
留碱在鐵不起再加溫滷復煎煎至二次成鹽再取出
散鹽仍留碱片不起再加溫滷如是者三次鐵底之碱

即可增厚增多卽如法在場署試煎一天因火氣不聚
用草至數倍之多復經許署大使赴竈舍督煎每鐵計
煎五時所成碱片比尋常能加厚一倍以火伏鐵數核
計一伏火可得碱片六十斤數既增多片亦加厚散鹽
較少惟煎工草本均有所增碱之能多已無疑議惟試
煎之竈戶謂如此加工煎熬鐵易裂漏此說尙在疑似
之間所言果確竈戶以鐵爲命勸辦畧難非飭鐵廠另
鑄倍厚之鐵不可已屬許大使再行細加考究如能不
至損鐵但多草本祇須將牌價提高商竈皆無不樂從
卑職復將在角斜新試煎碱法告之掘港耕茶兩場員

令其分別試辦俟確有把握實可見諸施行再行專案
具稟呂四真梁產絀致病之由已據劉大使呈到整頓
說帖其大要在開溝港拓亭池減扣竈欠以恤煎丁生
計並於滷氣最厚之丁蕩地方另築新亭言皆洞中窾
要頗有見地惟事艱費鉅丁蕩築亭一事以地爲漁戶
久占勸徙不易辦理尤難場員不能久駐竈下必須選
派賢員幫同周歷履勘得有確情再行體察舉辦

光緒五年三月署通分司張元愷稟卑職於本月初一日
自石港起程次日行抵掘港查該場存丙丁戊三年垣
鹽二十二萬五千二百一桶大小計九十六堆當卽督

同王大使逐堆丈量內二十六堆有盈無絀六十五堆
查丈相符其餘五小堆略有短少初五日自掘港至豐
利該場存丙丁戊三年垣鹽三萬八千九百六十桶計
九堆丈量均有盈無絀初六日行抵枱茶正場祇有鍾
福盛一垣分記存租共存丙丁戊三年堆鹽七萬一千
九百二十七桶計四十三堆吳署大使呈送見丈清摺
比冊存溢鹽七千九百餘桶當卽赴垣周視鹽堆皆尖
頂削肩逐堆丈量細加鉤稽除頂折算以尖補削雖無
短絀亦無七千餘桶溢數由枱茶至李堡則必先由角
斜經過卽於初八日先至角斜包垣該場冊報存丙丁

戊三年垣鹽二十八萬一千四百六十五桶計二百二
堆鹽數爲通屬之冠許署大使呈送見丈清摺亦較冊
存有溢周視該場堆座頂皆圓滿長堆居多逐堆覆丈
有盈無絀十一日行抵李堡時因風雨交作停丈兩日
十三日赴垣見堆座平頂者居多尙不至於尖削冊報
存鹽十五萬三千九百五十桶計四十三堆逐堆丈量
惟裕興隆一堆少四十一桶吉公泰一堆少八十五桶
吉公泰存堆十萬桶以上老鹽居多合計仍有盈無絀
其餘四十一堆均屬相符統計豐掘柃角存鹽三百九
十三堆見丈之數均尙有盈中間短少之七堆爲數無

多應請免其罰停其略有盈溢之堆因上年秋冬所收之鹽未經霉伏例耗已除並非真有所溢卑職已面屬各場大使不得以見丈略有餘聽准商人指爲有溢以杜取巧經鹽政沈葆楨札通屬北四場垣鹽既據該分司親詣盤量暨陳前運判所盤之南五場鹽數均尙相符其短少之七堆爲數無多准如所請免議

光緒五年六月鹽政沈葆楨札照得各場垣鹽挨年遞運先儘老堆捆重不准新鹽驀越專爲整頓鹽質藉暢岸銷起見疊飭各岸將到岸之鹽驗明鹽色開摺呈報皖岸迭次校驗老堆上色居多茲據開報閏三月四月到

岸鹽色僅盧大昌辦運伍祐場鹽一百二十引驗係老堆上色其餘盡屬新堆兼多次色而檢查各場旬報清查老堆之鹽寥寥無幾摺開之丁溪新興伍祐安豐及通屬之枏茶各場開除之鹽皆尙註明年分東臺何垛開除項下有注有未注未能畫一且恐各場摺報雖注年分而存堆之鹽未必能分年堆儲重運時難保無以新堆之鹽躡入融運此等弊端全賴場員隨時稽察儻有不肖姦商藐玩定章貪小利而誤大局必須嚴辦一二方足以昭炯戒

光緒七年十二月署運司徐文達詳據泰分司議復此次

盤查堆鹽各場均有少數應以罰停重照之場爲斷並
以各場堆鹽新舊有別新鹽其質鬆嫩故尺寸與斤重
尙能吻合其丁戊各年堆鹽經許前運判盤量後歷今
又隔數年滷氣行盡鹽花堅實其性必重故尺寸短絀
而斤重當可有餘此次盤查不分新舊均以每尺四十
斤核算故短絀較多其中並無情弊署司伏查各場老
堆經該分司一再確查實因堆儲日久鹽質堅實丈量
則尺寸有虧摺重則斤兩無缺係屬實情似應免予查
扣其已卯年以後盤少鹽數按照存堆多寡核計如缺
鹽不及一成者悉予寬免缺鹽一成以外者仍照原案

分別罰停所議亦屬允協經鹽政劉坤一批允

光緒十二年十月署運司程桓生申據上新興場稟垣商
永泰祥等稟稱近年湘鄂兩岸銷市不暢尖鹽積壓商
本占攔情形大率相同而其閒茹苦最甚者莫過正梁
一項而正梁之中又莫過上新興一場垣商受累之深
占壓之鉅與夫堆鹽之多商力之疲實爲通泰各場所
未有查鄂岸應配正梁三十五引湘岸應配正梁四十
引本歸豐利上新興廟灣金沙石港等場專銷迨後廟
灣全配湘岸以致商等四場祇派鄂岸銷數頓絀非但
難與真梁同論卽較最滯之頂梁亦且望塵莫及見在

商等正梁存鹽在棧及已重在途者約計一萬五千餘引在垣堆儲者又約計七萬引以鄂岸每年作銷五千餘引而論存棧之鹽已可敷三年之銷其餘存場老堆及此後續收之鹽更不知積於何底且見查場垣堆地一隙毫無商等資本罄盡告貸無門即使稍有變通典質接濟其奈來鹽無地安置值此秋產暢旺各竈入垣之鹽紛紛而至收則無本無地不收則竈丁繁眾無以資生其患更難設想商等已將無地儲鹽情形稟明場員竊恐緩不濟急爲此不揣冒昧公同稟叩電鑒伏賜速予矜援商等斷不敢稍存奢望祇求與最滯場分共

齊甘苦或酌量搭配湘岸或酌量加添派數商等本與新興頂梁同場或求變通併歸頂梁庶免商等一場獨抱向隅之憾除已稟明棧憲外均候憲示總期速解倒懸免致坎桶等情當以正梁積壓無本接濟尙屬實情惟所請搭配湘岸有占行銷加添派數不符定額難免各商有所藉口至於同場頂梁歸併一層殊與他場無甚窒礙是否可行批飭總局核議去後茲據總局委員詳稱正梁一項在場在岸均極壅滯據請改降頂梁以上色之鹽而情願減售所冀轉輸較速得濟產收以保場局尙無別項情弊似屬可行該場商永泰祥等收存

堆鹽除已經給重不計外其未經給重之鹽擬請一律
准予降頂以順商情惟查各場頂梁重照見已給發乙
年分存鹽上新興永泰祥等收存正梁尙有癸年八千
三百餘引甲年四千六百餘引均未給重如蒙鈞准改
降並請將前項癸甲兩年存鹽於來年歸入春秋兩單
各半給重俟兩單發竣再行接發一年之鹽不得以年
分在前全數請重致壓其餘頂梁各場銷數是否有當
理合遵飭議擬具文詳祈鑒核示遵等情據此除批如
詳辦理並移知儀棧查照外理合具文報明

謹按嘉慶舊志所載公垣數目通州分司所屬豐利

場公垣二所掘港場三十八所石港併馬塘場一所
金沙併西亭場七所後存一所呂四場五所餘西併
餘中場二所餘東場三所角斜場十九所耕茶場十
八所秦州分司所屬富安場三十所後存七所安豐
場一百三十二所後存二十八所梁垛場三十六所
後存十三所東臺場三十所後存十二所何垛場五
十二所後存十五所丁谿併小海場二十七所草堰
併白駒場十五所劉莊場四所後存二所伍祐場八
所新興場六所後存二所廟灣並天賜場四所後存
三所海州分司所屬板浦併徐瀆場三所後存二所

中正併莞瀆場四所臨興場二十二所今多圯廢且
場竈遷徙大異於昔姑存其名數以資考核

兩淮鹽法志卷三十二